

續文獻通考

卷一四。——二四二

7保4

5266

70-39



保 4  
5266  
70-39

續文獻通考卷之一百四十

皇明進士雲間王圻纂輯

謚法考

梁帝后太子謚

太祖文皇帝姓蕭氏名順之蘭陵人漢蕭何之後初仕齊  
為鎮北將軍謚懿武衍即位追謚文皇帝 張皇后名  
尚柔范陽方城人父穆之母即文皇從姑也天監元年  
追謚獻

高祖皇帝名衍順之子天監元年受齊禪太清三年崩  
謚武 郗皇后名徽高平金鄉人父曄宋太子舍人母  
宋文帝女尋陽公主后先帝殂追謚德 丁貴嬪名令

續文獻通考卷之一百四十 三百六十三原

光譙國人生昭明以普通七年薨謚穆 阮修容名令  
羸會稽餘姚人本姓石天監六年生元帝於宮中拜修  
容賜姓阮大同六年薨謚宣元帝卽位追崇爲文宣太  
后 吳淑妃謚敬

太宗皇帝名綱武帝第三子大寶二年崩謚簡文 王皇  
后名靈寶瑯琊沂人父騫南昌安侯太清三年以太子  
妃薨帝卽位追謚簡皇后

世祖皇帝名繹武帝第七子承聖二年爲魏人所戕謚元  
徐妃酷妬有穢行投井死以屍還徐謂之出妻無謚  
敬皇帝名方智元帝子太平二年禪於陳陳奉爲江陰王  
薨謚敬 王皇后無謚

太子統字德施武帝長子大通二年謚昭明 妃蔡氏謚  
敬子啓立爲後梁王又謚爲昭德皇后

太子大噐字仁宗簡文嫡長子大寶二年爲侯景所殺承  
聖元年追謚哀

太子方矩字元良江陵喪亡遇害敬帝承制追謚愍懷  
後梁帝后謚

宣皇帝名譽字理孫昭明第三子爲張纘構於元帝奔魏  
魏人命主梁祀國於江陵號大定以大定八年殂謚宣  
皇帝

孝明帝名歸字仁遠譽之第三子在位二十三年以隋開  
皇五年薨謚孝明皇帝 歸祖母龔太后以卽位之元

年薨謚元 歸嫡母王太后以即位之二年薨謚宣靖  
歸生母曹太妃以即位之元年薨謚孝

梁宗室祀

步兵校尉吳平侯尚之字茂先文帝兄天監初謚文宣  
故齊東陽太守東昌侯崇之字茂敬尚之弟天監初追  
謚忠簡 崇之子吳平侯景字子昭普通四年贈侍中  
撫軍開府儀同三司謚忠 景子勵字文約武帝時謚  
元 景弟湘陰侯昂字子明大同元年謚恭 昂弟晉  
陵太守贈湘州刺史昱字子真武帝時謚恭  
長沙王懿字元達文帝長子天監元年追謚宣武 懿子  
業字靜曠普通七年謚元 業子孝儼字希莊普通七

年謚章 業弟臨汝侯猷為吳興郡守與楚王廟神交  
因謚靈 猷弟貞陽侯淵明字靖通承聖四年稱尊號  
已復為太傅建安王後北齊文宣納永嘉王莊王梁祀  
追謚閔皇帝莊貞陽侯子也

永陽王敷字仲達文帝第二子天監初追謚昭 敷子伯  
遊字士仁天監五年謚恭

衡陽王暢文帝第四子天監元年追謚宣 暢子元簡字  
熙遠天監十八年謚孝

桂陽王融文帝第五子天監元年追謚簡 融嗣子象字  
世翼本長沙宣武王第九子大同三年謚敦

臨川王宏字宣達文帝第六子普通七年謚靖惠 宏子

吳興太守正仁字公業天監十年謚哀 正仁弟建安  
侯正立字公山謚敏

安成王秀字彥達文帝第七子天監十七年謚康 秀子  
機字智通大通二年謚暢

南平王偉字文達文帝第八子普通五年謚元襄 偉子  
衡山侯恭字敬範元帝時贈侍中左衛將軍謚僖

鄱陽王恢字弘達文帝第十子普通七年謚忠烈  
始興王憺字僧達文帝第十一子天監十八年謚忠武

憺子廣信侯映字文明謚寬 映弟上黃侯暉字通明  
以言行相違謚替

南康王績字世謹武帝第四子大通三年謚簡

廬陵王續字世訪武帝第五子大同元年謚威

邵陵王綸字世調武帝第六子為魏人所殺後梁主譽贈  
太宰謚安元帝時劉勣議息政交外改謚攜

晉王歡字孟孫武帝孫昭明子謚安

世子方等字實相元帝長子承聖時謚忠壯又改謚武烈  
世子方諸字智相元帝第二子為侯景所害承聖時追謚  
貞惠

贈丞相河東王譽譽之兄大定元年追謚武桓

梁王世子譽譽長子譽稱帝追謚孝惠太子

侍中中衛將軍岌譽第六子歸之五年贈司空謚孝

梁諸臣謚

南豐伯蕭穎胄字雲長故齊南豐伯赤斧子天監元年追封巴東郡公謚獻武

通直散騎常侍衛將軍唐縣開國侯蕭穎達赤斧第五子天監九年謚康

寧遠將軍吳郡太守蕭子恪字景冲故齊豫章文獻王子會通二年謚恭

大中大夫秘書監贈金紫光祿大夫蕭子範字敬則子恪第五弟元帝時謚文

仁威將軍吳興太守蕭子顯字景陽子範弟大同三年手勅以恃才傲物謚驕

金紫光祿大夫醴陵侯江淹字文通濟陽考城人天監元

年謚憲

衛尉卿贈散騎常侍車騎大將軍洮陽縣侯張弘策字貞簡范陽方城人為東昏黨孫文明所害天監初謚愍

使持節都督雍梁北秦東益郢州之竟陵司州之隨郡諸軍事平北將軍寧蠻校尉張纘字伯緒弘策子出後

弘籍為營所害元帝承制謚簡獻散騎常侍尚書右僕射霄城侯范雲字彥龍南鄉舞陰人

天監二年謚文初禮官請謚曰宣勅賜謚文

衛尉卿散騎常侍寧都縣侯楊公則字君翼天水西縣人天監四年謚烈

尚書左僕射金紫光祿大夫豐城縣公夏侯詳字叔業譙

郡人天監六年謚景 使持節都督尉州緣淮南豫霍  
義定五州軍事平北將軍豫南豫二州刺史豐城縣公  
夏侯直字世龍詳子中大通元年謚襄 使持節都督  
豫淮陳穎建霍義七州諸軍事豫州刺史保城侯夏侯  
瓌字季龍直弟大同四年謚桓

通直散騎常侍右衛將軍贈散騎常侍護軍將軍東興縣  
侯鄭紹叔字仲明滎陽開封人天監六年謚忠

使持節安南將軍湘州刺史曲江縣侯柳惔字文通河東  
解人天監六年謚穆 給事中光祿大夫州陵伯柳忱

字文深惔弟天監十年謚穆 使持節都督雍梁南北  
秦四州諸軍事安北將軍寧蠻校尉雍州刺史雲杜侯

柳慶遠字文和忱從父天監十年謚忠惠

寧朔將軍新安太守贈太常任昉字彥升樂安博昌人天

監七年謚敬

右衛將軍開府儀同三司湘西縣侯曹景宗字子震新野  
人天監七年謚壯

中書監司徒衛將軍謝朓字敬冲陳郡陽夏人天監八年

謚靖孝一單謚靖

中書監散騎常侍豫章縣公王亮字奉叔琅琊臨沂人天

監九年謚煬 左光祿大夫儀同三司建城縣公王瑩

字奉光亮從父兄天監十五年謚靜恭

散騎常侍領軍將軍贈驃騎將軍開府儀同三司平固縣

續文獻通考 卷之四百四十一  
侯呂僧珍字元瑜東海范陽人天監十年謚忠敬

特進光祿大夫侍中太子少傅建昌縣侯沈約字休文吳

興武康人天監十二年謚隱初有司謚曰文武帝曰懷情不盡曰隱改謚隱

南康內史沈旋字士規約子謚恭

中太尉王茂字休遠太原祁人天監十二年謚忠烈

散騎常侍國子祭酒贈侍中護軍將軍張充字延符吳郡

人天監十三年謚穆

通直散騎常侍丹陽尹宜陽縣侯王珍國字德重沛郡相

人天監十四年謚威

信武將軍豫州刺史南汝陰太守贈左衛將軍滄淮縣侯

馬仙理字靈馥扶風郿人天監十四年謚剛

東陽太守湘西侯席闡文安定臨涇人武帝天監中謚威

左衛將軍通直散騎常侍石陽縣侯張惠紹字德繼義陽

人天監十八年謚忠 衛尉卿太子左衛率張澄惠紹

子謚愍

散騎常侍領左軍將軍豫寧伯馮道根字巨基廣平鄆人

普通元年謚威

侍中車騎將軍梁都侯韋叡字懷文京兆杜陵人普通元

年謚嚴 持節督北徐州諸軍事信武將軍北徐州刺

史永昌縣侯韋放字元直叡子大通二年謚宣 散騎

常侍贈護軍將軍韋粲字長倩叡之孫與侯景戰死賊

平簡文追謚忠貞



持節督豫州北豫霍三州諸軍事豫州刺史宣毅將軍贈  
侍中左衛將軍夷陵縣子裴邃字深明河東聞喜人普  
通五年謚烈 少府卿裴之禮字子義邃子謚壯 特  
進金紫光祿大夫都城縣男裴之高字如山邃姪元帝  
承制謚恭 使持節鎮北將軍徐州刺史都督衆軍贈  
侍中司空豫章侯裴之橫字如嶽之高弟沒於陣晉安  
王承制謚忠壯

侍中王峻字茂遠瑯琊臨沂人普通三年謚惠

散騎常侍金紫光祿大夫王志字次道瑯琊臨沂人齊侍  
中僧虔子普通四年謚安 散騎常侍左驍衛將軍王  
泰字仲通志兄慈之子天監時謚夷 秘書監王彬字

思文志弟天監時謚惠 度支尚書贈侍中金紫光祿

大夫南昌侯王騫字思寂本名玄成志從子儉之子普

通三年謚安 左兵尚書贈散騎常侍光祿大夫南昌

侯王規字威明騫之子大同二年謚章一謚文 尚書

左僕射領國子祭酒王暕字思晦騫弟普通四年謚靖

戎昭將軍東陵太守王承字安期暕子太同時謚章

侍中王訓字懷範承弟謚溫 侍中尚書王贍字思

饒志從父兄武帝時謚康

永寧太守安昌侯張齊字子嚮馮翊郡人普通四年謚莊

護軍將軍營道侯昌義之歷陽烏江人普通四年謚烈

宣毅將軍吳郡太守蔡樽字景節濟陽考城人普通四年

謚康

侍中特進左光祿大夫王份字秀文瑯琊臨沂人普通五年謚胡 吏部郎中贈侍中王錫字公嘏份之孫大通六年謚貞 太子中庶子贈侍中王僉字公會錫弟承聖三年以賢而不伐追謚恭

右驍衛將軍知詹事贈侍中護軍將軍周捨字昇逸汝南安城人普通五年謚簡

使持節散騎常侍爪牙將軍南城縣侯王神念太原祁人普通六年謚壯元帝時改謚忠

西陽武昌二郡太守贈左衛將軍吉士瞻字梁容馮翊蓮勺人普通七年謚胡

衛尉卿南陽縣男康詢字長明華山藍田人普通七年謚

壯

光祿大夫江禧字彥標濟陽考城人大通七年謚肅

散騎常侍兼國子祭酒贈侍中明山賓字孝若平原瀋人大通元年謚質

潯陽太守贈侍中到洽字仲度彭城武原人大通元年謚理

散騎常侍金紫光祿大夫本州大中正傅昭字茂遠北地靈州人大通二年謚貞

光祿大夫領步兵校尉南北兗二州大中正江革字休映濟陽考城人大通二年謚疆

宣惠將軍金紫光祿大夫監揚州事孔休源字慶緒會稽山陰人大通四年謚貞

金紫光祿大夫特進揚州大中正陸杲字明霞吳郡人大通四年謚質一謚靖

侍中特進金紫光祿大夫贈本官加雲麾將軍蕭琛字彥瑜蘭陵人大通元年謚平

鴻臚卿領步兵校尉贈散騎常侍裴子野字幾原河東聞喜人中大通二年謚貞

賜謚

國子祭酒散騎常侍殷鈞字季和陳郡長平人大通四年謚貞

特進右光祿大夫侍中中衛將軍徐勉字修仁東海郟人

大同元年謚簡肅

持節都督南北司西豫豫四州諸軍事仁威將軍南北司二州刺史永興縣侯陳慶之字子雲義興人大同五年謚武

秦州刺史杜懷寶京兆杜陵人大同五年謚桓 散騎常

侍江州刺史枝江縣公杜崩懷寶子承聖時謚武 侍中司空袁昂字千里陳郡陽夏人大同六年謚穆正

吏部尚書劉孺字孝稚彭城人大同八年謚孝 領軍將軍藏盾字宣卿東莞莒人大同八年謚忠

鴻臚卿贈散騎常侍顧協字正禮吳郡人大同八年謚温

大尉宋王元法僧魏氏支屬明帝孝昌元年南奔武帝時  
謚襄厲

太子左衛率贈侍中徐摛字士秀東海郟人太宗被侯景  
幽閉感疾卒謚貞

吳興太守贈侍中中衛將軍開府儀同三司張嶮字四山  
吳郡人爲侯景所害元帝時謚忠貞

戎昭將軍通直散騎常侍南津校尉贈侍中江子一字元  
貞濟陽考城人元帝時謚義 尚書左丞贈黃門侍郎

江子四子一弟元帝時謚毅 東宮直殿主帥贈中書  
侍郎江子五子四弟兄弟俱死侯景之難元帝時謚烈

湘州刺史贈十五州諸軍事揚州刺史侍中特進開府錄  
尚書事巴陵郡王王琳字子珩會稽山陰人爲陳將吳

明徹所害敬帝時謚忠武

贈侍中太常卿陳道巨卽陳高祖霸先之祖太平二年謚  
孝

北豫州刺史成景雋字仲超范陽人能爲父復讐謚忠烈  
右衛將軍當陽縣侯鄧元起字仲居南當陽人謚忠

後梁主簪之臣謚

中書監中權大將軍領吏部尚書贈司徒安豐公蔡大寶  
字敬位濟陽考城人歸之二年謚文凱 散騎常侍衛

尉卿都官尚書太常卿贈金紫光祿大夫蔡大業字敬  
道大寶弟謚簡

侍中中衛將軍尚書令開府儀同三司領荊州刺史贈司空新康公王操字子高其先太原晉陽人營母龔氏之外弟歸謚為康節

柱國車騎將軍贈司空上黃縣侯魏益德襄陽人歸卽位謚忠壯

大將軍贈太尉建興縣公李廣會稽人為吳明徹所擒不屈被害謚忠武

散騎常侍起部尚書贈太常卿岑書方字思義南陽棘陽人謚敬

康度支尚書贈太常卿傅淮北地人歸之七年謚敬康護軍將軍新野侯尹正天水人謚剛

陳帝后世子謚

太祖皇帝姓陳氏名文讚吳興長城下若里人梁敬帝太平元年追贈侍中光祿大夫封義興郡公謚恭永定元年霸先受禪追謚景董皇后追謚安文帝天嘉元年改謚景文張氏太平二年追封義興太夫人謚宣張氏高祖前母故不加尊號

高祖皇帝名霸先文讚子太平二年受梁禪永定三年薨謚武章皇后名要兒吳興烏程人本姓鈕父景明為章氏所養因姓焉母蘇初帝為長城縣公拜夫人後立為皇后薨謚武宣帝先娶同郡錢仲方女早卒後追尊為皇后謚昭

世祖皇帝名禧武帝兄始興昭烈王之長子天康元年崩  
謚文 沈皇后無謚

高宗皇帝名頊始興昭烈王次子光大二年嗣廢帝即位  
大建十三年崩謚孝宣 柳皇后無謚

後主名叔寶宣帝子隋文帝謚為煬  
武帝世子克永定元年追號為太子謚孝懷

陳宗室謚

始興王道談高祖兄梁敬帝太平二年贈南兖州刺史長

城縣公謚忠烈

一謚昭烈

南康王休光高祖弟太平二年贈侍中南徐州刺史武康  
縣侯謚忠壯 休光子曇朗為齊人所害天嘉二年贈侍

中安東將軍開府儀同三司南徐州刺史謚愍

永修侯擬字公正高祖疎屬天嘉元年謚定

豫章王立高祖子永定二年追謚獻

長沙王權高祖子永定二年追謚思

衡陽王昌字敬業高祖第六子世祖天嘉元年溺于江謚  
獻

河東王叔獻字子恭高宗第九子大建十二年謚康簡

陳公主謚

永世公主高祖長女永定二年追謚懿

陳諸臣謚

使持節通直散騎常侍平北將軍南兖州刺史臨江縣侯

杜僧明字弘照廣陵澤人高祖初謚威

使持節散騎常侍鎮南將軍開府儀同三司贈侍中司空

壽昌縣公周文育字景德義興陽羨人為熊曇朗所害

高祖時謚忠愍

廣德侯章景明吳興武康人宣皇后父永定三年追謚溫

贈光祿大夫建成侯沈法深吳興武康人文帝后父帝即

漢世追謚恭

安左將軍散騎常侍北江州刺史彭澤縣侯魯悉達字志

通扶風郿人文帝初謚孝

散騎常侍吳興太守漢陽縣侯胡穎字方秀吳興東遷人

文帝天嘉元年謚壯

使持節都督湘桂郢巴武元六州諸軍事湘州刺史贈侍

中驃騎大將軍大司馬零陵郡公侯瑱字伯玉巴西充

國人天嘉二年謚壯肅

員外散騎侍郎侯敦始興曲江人天嘉二年墮馬卒追謚

愍

太子中庶子領大著作揚州大中正贈侍中虞荔字山披

會稽餘姚人天嘉二年謚德

明威將軍通直散騎常侍贈侍中原鄉侯沈炯字禮明吳

興武康人天嘉時謚恭

員外散騎常侍中書舍人贈司農卿顏晃字元明瑯琊臨

沂人天嘉二年謚貞

散騎常侍都督衡州諸軍事開府儀同三司征南將軍陽山郡公歐陽頠字靖世長沙臨湘人天嘉四年謚穆

安前將軍右光祿大夫魚復縣侯徐世譜字興宗巴東魚復人天嘉四年謚桓 貞外散騎常侍安遠將軍贈直

散騎常侍徐世休世譜弟光大二年謚莊 使持節散騎常侍都督南豫州緣江諸軍事南豫州刺史

西豐縣侯周敷字仲遠臨川人為周迪所害天嘉五年謚脫

使持節安北將軍散騎常侍都督霍晉合三州諸軍事合州刺史興寧縣侯荀朗字深明潁陰人天嘉六年謚壯

右衛將軍領前將軍贈侍中始平縣伯趙知禮字齊旦天水隴西人天嘉六年謚忠

散騎常侍右衛將軍贈仁威將軍光祿大夫裴之平河東聞喜人文帝天康元年謚傳

石衛將軍領衛尉卿壽昌縣公周寶安字安民文育子天康元年謚成

雲旗將軍西陽武昌二郡太守陸山才字孔章吳郡人天康元年謚簡

散騎常侍中書令領前將軍謝哲字穎豫陳郡陽夏人廢帝臨海王光大元年謚康

五兵尚書蕭乾字思暢蘭陵人光大元年謚靜 特進左光祿大夫領丹陽尹贈侍中司空東安亭侯王冲



字長深瑯琊臨沂人光大元年謚元簡 侍中尚書左僕射王瑒字子璵冲子大建六年謚光 侍中王瑜字子珪瑒弟天喜二年謚貞

尚書左僕射袁樞字踐言陳郡陽夏人光大元年謚簡懿 雲旗將軍司徒左長史贈金紫光祿大夫袁泌字文洋樞從父光大元年謚質 太常卿散騎常侍特進金紫光祿大夫袁敬字子恭泌之兄後主至德三年謚靖德

使持節都督郢巴武三州諸軍事安西將軍郢州刺史重安公程靈洗字玄滌新安海寧人光大二年謚忠壯 司空使持節車騎將軍贈太尉湘東郡公徐度字孝節安

陸人光大二年謚忠肅 持節都督安元潼三州諸軍事壯武將軍安州刺史湘東郡公徐敬成度之子大建七年謚思

都官尚書領羽林監豫州大中正贈侍中中書令謝嘏字含茂陳郡陽夏人宣帝大建元年謚元 雲麾將軍義興太守建成侯沈欽法深子大建元年贈侍中特進翊左將軍謚成

都督荊州刺史益陽縣侯陸子隆字興世吳郡吳人大建元年謚威 使持節都督郢巴武三州諸軍事雲麾將軍郢州刺史永安縣侯錢道戢字子韜吳興長城人大建二年謚肅

大府卿都官尚書王質字子貞臨沂人大建二年謚安

尚書右僕射領右軍將軍王勣字公濟質之兄大建四

年謚溫 特進左光祿大夫侍中安右將軍王通字公

達濟兄宣帝大建六年謚成 大中大夫太常卿南徐

州大中正王固字子堅通弟至德三年謚恭

中書令驍騎將軍楊東揚二州大中正金紫光祿大夫張

種字士苗吳郡吳人大建五年謚元

金紫光祿大夫贈侍中領軍將軍沈巡吳興人謚敬 侍

中尚書右僕射贈翊左將軍開府儀同三司望蔡縣侯

沈君理字仲倫巡之子大建五年謚貞憲 衛尉卿平

越中郎將都督廣州刺史沈君高字季高君理第六弟

大建十年謚祁

尚書右僕射贈侍中中書監周弘正字思行汝南安城人

大建六年謚簡

持節西道都督安蘄江衡司定六州諸軍事平北將軍定

州刺史龍源侯周良字文昭汝南安城人大建八年謚

壯

侍中散騎常侍持節都督豫建光朔合北徐六州諸軍事

征西大將軍豫州刺史儀同三司義陽郡公黃法氈字

仲昭巴山新建人大建八年謚威

少府卿贈廷尉卿陸見賢吳郡人大建十年謚平

尚書左僕射贈特進陸縉字士儒見賢從父大建十二年

謚安

侍中光祿大夫永成縣侯杜稜字雄盛吳郡錢塘人大建

十三年謚成

忠毅將軍散騎常侍桂州刺史汝南侯贈廣州刺史吳超

秦郡人謚節

侍中安右將軍左光祿大夫太子少傅南徐州大中正贈

鎮右將軍特進建昌侯徐陵字孝穆東海郟人至德元

年謚章儂

散騎常侍特進金紫光祿大夫東興侯沈恪字子恭吳興

武康人至德初謚元

散騎常侍右衛舍人贈侍中護衛將軍文招侯司馬申字

字和河內温人至德四年謚忠

申善為侯侍嘗畫其

血口流

五兵尚書富陽侯孫瑒字德璉吳郡吳人禎明 元年謚

桓

度支尚書贈侍中撫軍新豐縣侯蔡景歷字茂世濟陽考

城人初謚敬禎明三年謚忠敬

北魏帝后謚

成皇帝名毛世為代北鮮卑君長姓拓跋氏後改氏元追

謚成

節皇帝名貸追謚節

莊皇帝名觀追謚莊

明皇帝名樓追謚明  
安皇帝名越追謚安  
宣皇帝名推寅追謚宣  
景皇帝名利追謚景  
元皇帝名俟追謚元  
和皇帝名肆追謚和  
定皇帝名機追謚定  
僖皇帝名蓋追謚僖  
威皇帝名濬追謚威  
獻皇帝名憐追謚獻  
聖武帝名詰汾獻皇子追謚聖武

始祖神元皇帝名力微聖武子年一百四歲平文皇帝尊  
位尊為始祖謚神元

文皇帝名沙漠汗神元子謚文

章皇帝名悉鹿神元子謚章

平皇帝名綽章<sub>弟</sub>謚平

思皇帝名弗文帝少子謚思

昭皇帝名祿官神元子謚昭

桓皇帝名綺屯文帝長子謚桓

穆皇帝名綺盧桓帝弟謚穆

太祖平文皇帝名鬱律思帝子謚平文廟號太祖

惠皇帝名賀儻桓帝仲子謚惠

煬皇帝名紇那惠帝弟謚煬

烈皇帝名翳槐平文長子謚烈

高祖昭成皇帝名什翼犍平文次子謚昭成廟號高祖

獻明皇帝名寔昭成子謚獻明

太祖道武皇帝名珪獻明子以登國元年卽代王位天興

元年卽帝位天賜六年爲拓跋紹所弒永興二年謚宣

武泰常六年改謚道武 劉皇后登國初爲夫人明元

卽位追尊爲太后謚宣穆

太宗明元皇帝名嗣道武長子天賜六年冬十月卽位泰

常八年崩謚明元 姚皇后父興初爲夫人泰恒五年

追尊爲皇后謚昭哀 杜皇后魏郡鄴人陽平王超之

妹也初爲貴嬪泰恒五年太武追尊爲皇后謚密

世祖太武皇帝名壽明元長子泰常八年十月卽位正平

二年爲宗愛所弒謚太武 賀皇后代州人初爲夫人

神麤元年薨後追尊爲皇后謚敬哀

高宗文成皇帝名濬太武嫡孫景穆太子之子正平十二

年卽位和平六年崩謚文成 馮皇后長樂信都人父

朗母樂浪王氏后太和十四年崩謚文明

顯祖獻文皇帝名弘文成長子和平六年五月卽位皇興

五年崩謚獻文 李皇后中山安喜人南郡王惠之女

初拜夫人承明元年追尊爲皇后謚思

高祖孝文皇帝名宏獻文長子皇興五年卽位太和二十

三年崩謚孝文 林皇后平涼人父勝平原太守后以太和七年薨謚貞 馮皇后父熙太師母常氏后有寵於孝文孝文死遺詔殺之以有姪行也謚幽 高皇后司徒公肇之妹父颺母蓋氏后薨謚文昭貴人宣武以所生追尊為后

世宗宣武皇帝名恪孝文第二子太和二十三年即位延昌四年崩謚宣武 于皇后以十四為貴人甚見寵立為皇后後暴崩謚順 胡皇后安定臨涇人父國珍母皇甫氏初誕明帝進位充華嬪明帝踐祚尊為皇后爾朱榮亂沈於河孝武時追謚曰靈

肅宗孝明皇帝名詡宣武第二子延昌四年正月即位武泰元年崩謚孝明 胡皇后即靈太后從兄盛之女武泰初八道出居瑤光寺

敬宗孝莊皇帝名子攸彭王勰第三子武泰元年四月即位永安三年為爾朱榮之黨所殺中興二年謚武懷大昌元年又謚孝莊

節愍帝名恭字修業廣陵惠王羽之子普泰元年即位二年為高歡所弒西魏追謚節愍

孝武皇帝名修字孝則廣平王懷之子以後廢帝中興二年即位永熙三年為宇文泰鳩弒謚孝武

孝靜皇帝名善見清河王亶之子永熙三年十月即位是為東魏武定八年遜位於齊封為中山王齊天保二年

殂三年謚孝靜 后高氏齊獻武王第二女受禪後復  
為楊遵彥妻

文皇帝名寶炬孝文之孫京兆王愉之子大統元年即位  
是為西魏十七年崩謚文 乙弗皇后洛陽人父瑗儀  
同三司兗州刺史母淮陽長公主孝文之第四女后以  
郁久閭悼后故出家為尼尋賜死帝追念不已謚文皇  
后 郁久閭皇后蠕蠕主阿那瓌之長女年十六以產  
而崩謚悼

恭皇帝名廓文皇第四子廢帝三年正月即位在位三年  
遜位於周封為宋公尋殂謚恭

恭宗皇帝名滉太武長子延和元年立為皇太子正平元  
年薨謚景穆興安元年追尊為皇帝 妃郁久閭氏  
恭皇后

文穆皇帝名勰字彥和獻文子初封彭城王永平元年為  
高肇所殺謚武宣後莊帝以所生父追謚文穆皇帝  
妃李氏謚文穆皇后

孝宣皇帝名劭字子納勰之子初襲封彭城王遇害河陰莊  
帝追謚孝宣皇帝 妃李氏謚文恭皇后

孝穆皇帝名懷孝文子初封廣平王熙平二年薨謚文穆  
孝武以祖故追謚武穆皇帝 妃馮氏謚武穆皇后

文景皇帝名愉字宣德孝文子初封京兆王大統元年文  
皇以所生父追謚文景皇帝

北魏宗室謚

順陽王郁桓帝子後獻文追謚簡

高涼王孤平文帝子道武時謚神武 孤之孫禮謚懿

孤六世孫松滋侯長謚成 孤六世孫上黨王天穆節

閔帝時謚武昭

贈河間公興都烈帝孫獻文時謚宣

興都子樂成侯丕宣武景明四年謚平

淮陵侯贈高平公大頭烈帝曾孫謚烈

河間公齊烈帝玄孫謚敬

秦王翰昭成第三子建國十年謚明 翰子陰平王烈以

迎立太宗功封謚僖 烈弟秦王颯為慕容麟所害太

祖追謚愍

翰孫中山王纂謚簡纂子新蔡公幹文成

時謚昭 幹子沛郡公禎謚簡

常山王素昭成孫明元時謚康 素子城陽公忠孝文太

和四年謚宣 忠子贈豫州刺史秉字壽興為王顯讒

死胡太后臨朝追謚莊 忠弟平城鎮將淑孝文時謚

靜 淑子馮翊王季海字元泉謚穆 忠弟德之子光

州刺史悝謚恭 悝子尚書左僕射贈使持節督中外

諸軍事司空公暉字景襲明帝神龜元年謚文憲 悝

子瀛州刺史贈司徒公嶷字子仲孝靜時謚靖懿 素

孫陳郡王玄孝武時謚平 秉弟益生子魏郡王毗字

休弼謚景



陳留王虔昭成子統根之子太祖時謚桓 虔之子崇太  
祖時謚景 虔兄顓之子隴西公綸文成時謚定

武遂子拔干昭成孫意烈之子謚靈

臨淮王他道武孫太和十二年謚靖 他子平地將軍幽

州刺史篤字阿戎謚貞 他孫臨淮王顯謚僖 顯子

世遵孝昌元年謚康 世遵弟均之子安康伯忻之為

反賊樊子鶴所害以歿王事謚文貞

武昌王提道武孫獻文大安元年謚成 提子平原太和

十二年謚簡 平原次子鑿字紹達謚悼

平 會道武魯 和十七年謚安 霄子江陽王繼

以後江陽王根莊帝永安二年謚武烈 霄孫

伯和宣武永平八年謚哀 繼子給事黃門侍郎

光祿大夫贈使持節都督涇岐秦三州諸軍事衛將軍

尚書左僕射秦州刺史爽孝武永熙二年謚懿

樂平王丕明元子謚戾

安定王彌明元子謚殤

永昌王建明元子謚莊 樂安王良明元孫文成時謚簡

臨淮王譚大武子謚宣 譚子長鄉侯提宣武時謚懿

提子臨淮王昌字法顯宣武時謚康 昌子彥字文若

永熙末謚文穆 昌弟萬年鄉男字字秀和謚文簡

廣陽王建間太武子謚簡 建間子石侯謚哀 石侯

子遺興謚定 石侯弟嘉宣武時謚懿烈 嘉子深字

智遠為葛榮所害莊帝時謚忠武 深子湛字士淵謚  
文獻

南安王余太武子太武崩宦者宗愛迎立為帝後為宗愛  
所殺文成葬以王禮謚隱

陽平王新成太武長子晃之子謚幽 新成長子贖宣武  
景明六年謚莊贖弟廣陵侯衍字安樂謚康

濟陰王小新成晃子謚惠 小新成子弼字邕明初奪爵  
建義元年子暉業訴復永安二年追謚文獻 弼子衛

將軍右光祿大夫昭業謚文 小新成子麗字寶掌宣  
武時謚威 小新成孫誕字曇首謚靜

汝陰王天賜晃子孝文時謚靈 天賜子齊州刺史逞字

萬安謚威 天賜子雍州刺史贈司空修義字壽安  
文 安昌王均修義子西魏謚為平

樂良王萬壽晃子文成時謚厲 萬壽子樂平謚康 廣  
平王洛侯晃子文成時謚殤 洛侯嗣子濟南王匡字

建扶本陽平幽王子孝昌初謚文貞  
任城王雲晃子太和五年謚康 雲子澄字道鎮神龜二

年謚文宣 澄子彞字子倫莊帝初河陰遇害謚文  
彞兄東阿縣開國公順字子和河陰遇害莊帝謚為文

烈 澄弟高平侯嵩字道嶽文成時謚剛 嵩次子世  
儁孝靜興和中謚躁戾

南安王禎晃子太和二十年謚惠 禎子中山王英字虎

兒宣武永平三年謚獻武 英子熙字貞興延昌二年  
為長史柳元章等所害謚文莊 熙弟右將軍南徐州  
刺史贈儀同三司都昌縣開國伯誘字惠興謚恭 誘  
弟東平王略字儁興河陰遇害謚文貞

城陽王長壽晃子孝文延興五年謚康 長壽子鸞字宣  
明宣武正始二年謚懷 鸞子徽字顯順永熙初謚文  
獻

章武王太洛晃子獻文皇興二年謚敬

樂陵王胡兒晃子文成和平四年謚康 胡兒嗣子思譽

本汝陰王天賜子正始四年謚密 思譽子景略字世

彦明帝熙平元年謚惠

安定王休晃子太和十八年謚靖 休孫定安王琰

寶謚懿 晃孫饒陽男遙字太原靈太后時謚宣 暹

弟侍中恒字景安歿於河陰之難謚宣穆 晃玄孫京

兆王綜字魏慶孝靜時卒於司州刺史謚文

安樂王長樂文成子孝文時謚厲 長樂子銓字搜賢謚

武康 銓子尚書令贈太尉斌之字子爽文帝末謚武

襄

廣川王略文成子太和四年謚莊 略子諧字仲和太和

十九年謚剛 諧子靈道謚悼

齊郡王簡字叔亮文成子太和二十三年謚靈宣武時改

謚順 簡子祐字伯授謚敬

河間王若字叔儒文成子未封而薨追謚孝

安豐王猛字季烈文成子太和中謚匡 猛子延明永熙

初謚文宣

趙郡王幹字思直獻文子太和二十二年謚靈 幹子謚

孝明正光五年謚貞景 謚子毓字子春河陰遇害謚

宣恭 謚兄湛字伯興孝靜天平三年謚孝懿

廣陵王羽字叔翻獻文子宣武時謚惠 羽子欣字慶樂

恭帝初謚容

高陽王雍字思穆獻文子河陰遇害謚文穆 雍子泰字

伯昌謚文孝一單謚文 泰弟新陽縣開國伯誕字文

天平三年謚文獻

北海王詳字季豫獻文子宣武永平元年謚平

始平王子正勰之子遇害河陰莊帝時謚貞 所纂輯

汝南王悅孝文子孝武忌而殺之謚文宣

清河王懌字宣仁孝文元子為元義所害神龜二年追封

為范陽王謚文獻 始元年謚文 明皇領將此地公評

洛陽謚子太武時謚恭 易成等冒冑會水

續文獻通考卷之一百四十終

續文獻通考卷之一百四十一

乙 四百廿九京

燕王諡文

燕王諡文宣  
宣文宣子諡文宣  
宣文宣子諡文宣  
宣文宣子諡文宣  
宣文宣子諡文宣  
宣文宣子諡文宣  
宣文宣子諡文宣  
宣文宣子諡文宣  
宣文宣子諡文宣  
宣文宣子諡文宣

續文獻通考卷之一百四十一

皇明進士雲間王圻纂輯

謚法考 北魏諸臣謚上

安遠將軍贈左光祿大夫幽州刺史高陽公許謙字元遜  
代人太祖道武皇始元年謚文 明壘鎮將北地公許  
洛陽謙子太武時謚恭 揚威將軍廣寧滄水二郡太  
守東光侯許安都洛陽弟獻文天安初謚烈  
太尉豫州刺史宜都公穆崇代人太祖天賜三年謚丁  
衛王議謀逆崇與焉道武惜其功而秘之及有司奏謚  
道武親覽謚法至述義不克曰丁曰此當矣乃謚丁公  
太尉駙馬都尉贈宜都王穆觀字闡拔崇子明元時謚文

成 侍中富城公穆乙九崇孫謚靜 侍中北部尚書  
贈司空穆怛頭乙九第謚敬 南部尚書侍中穆真乙  
九子謚宣 虞曹尚書征虜將軍涇州刺史贈征西將  
軍雍州刺史穆蒲坂乙九子謚昭 員外散騎侍郎代  
郡太守征東將軍金紫光祿大夫穆韶字文興蒲坂子  
謚文 侍中中書監南部尚書征東大將軍駙馬都尉  
贈太尉宜都王穆壽觀子太武太平真君八年謚文宣  
司衛監長寧子穆多侯壽弟謚烈 駙馬都尉宜都  
王穆伏干觀孫文成和平二年謚康 尚書令司空公  
贈太尉頓丘縣公穆亮字幼輔觀孫宣武景明三年謚  
匡 驃騎大將軍開府青州刺史加都督駙馬贈大將  
軍尚書令太保穆紹字永業亮子孝明普泰元年謚文  
獻 內都大官贈征西大將軍建安王穆覲觀弟天安  
元年謚康 華州刺史穆弼觀弟翰之孫宣武時謚懿  
平北將軍并州刺史金紫光祿大夫穆儀崇族人孝  
明時謚安

兖州刺史藍田侯長孫肥代人道武天賜五年謚武 平  
南將軍平陽王長孫翰肥之子太武神麴三年謚威  
駕部尚書吳郡公贈散騎常侍吳郡王長孫陵一名陳  
翰之弟文成興光五年謚恭 樂部尚書寧西將軍臨  
淮公長孫石洛肥弟亦干子神麴中謚簡  
聊成侯贈冀州刺史薛達頭代人道武時謚悼 并太二

州刺史河東公薛野賭達頭子和平末謚簡 徐州刺  
史薛彪子野賭子孝文太和十五年謚文

天部大人白馬公贈司空崔宏字玄伯清河東武城人太  
宗明元泰常三年謚文 平西將軍副將行樂安王傅  
濟南公崔徽字玄猷宏弟太平真君四年謚元 贈涼  
州刺史武陵公崔劄字伯宗文成時謚元 秦州刺史  
贈冀州刺史齊郡公崔衡字伯玉劄孫太和十二年謚  
惠 龍驤將軍平州刺史臨淄子崔景徽字文敷清河  
崔道固之子謚定

醫令位特進成德侯周澹京兆鄠人善醫泰常四年謚恭  
贈常侍宣城公車路頭代人泰常六年贈侍中左衛大

將軍太師 宣城王謚忠貞

贈征西大將軍右光祿大夫始平公司馬休之字季豫河  
內溫人明元時謚聲

假節侍中鎮西大將軍開府儀同三司雲中鎮大將朔州  
刺史瑯琊王司馬楚之字德秀文成和平五年謚貞  
侍中鎮西大將軍朔州刺史吏部尚書司馬金龍字榮  
則楚之子太和八年謚康 司州治中別駕河內邑中  
正贈鎮遠將軍南青州刺史司馬纂字茂宗金龍子宣  
武永平元年謚肅 豫州刺史贈青州刺史漁陽子司  
馬悅字慶宗金龍第三子宣武時謚莊

陳郡太守贈懷州刺史溫縣侯司馬靈壽太和元年謚靖

行人許剛不知何許人世祖太武初出使車師道病死謚  
貞

白道守將贈安北將軍顯美侯段進不知何許人太武初  
為蠕蠕所殺謚莊

湘州刺史贈東平將軍廣平公張蒲字玄則河內脩武人  
本名謨太武始光三年謚文恭

冀青二州刺史高陽公贈高陽王安同遼東胡人其先本  
安息國人太武神麌二年謚恭惠 援軍將軍西平王

安頡同子神麌四年謚襄  
內都大官贈定州刺史中山公李先字容仁中山盧奴人

神麌二年謚文懿  
鎮西大將軍安定公莫雲鴈門繁時人神麌中謚敬

征東將軍定州刺史永安公劉羅辰代人宣穆皇后兄謚  
敬 武衛將軍劉求引羅辰孫謚貞 衛將軍西兗州

刺史贈衛大將軍吏部尚書青州刺史劉仁之字山靜  
羅辰玄孫武定二年謚敬

侍中儀曹尚書濮陽公谷渾字元冲昌黎人太武延和二  
年謚文宣 外都大官濮陽公谷闡字崇基渾子孝文

延興四年謚簡 太府少卿贈榮州刺史谷頴闡孫神  
龜二年謚貞

書侍郎兼散騎常侍下博侯鄧頴安定人延和三年謚  
文恭 黃門侍郎兼尚書假散騎常侍安陽縣開國子



鄧羨穎玄孫神龜初謚恭 司空長史鄧述穎之孫謚貞

大將軍西秦王吐谷渾慕瓚遼東鮮卑人太武泰延二年謚惠

外都大官南郡公毛修之字敬文陽武人泰延二年謚恭

殿中尚書贈征東大將軍南郡王毛法仁修之子和

平六年謚威 散騎常侍贈豫州刺史南郡公毛猛虎

法仁子太和初謚康

征南大將軍丹陽王叔孫建代人泰延三年謚襄 衛將

軍贈司空安成王叔孫俊字醜歸建之子泰常元年謚

孝元

安東將軍湘州刺史武昌公許彥字道謨高陽新城人太

武太平真君二年謚宣 中書郎贈安東將軍冀州刺

史武昌公許安仁彥孫謚簡 廷尉少卿贈征虜將軍

營州刺史武昌公許元康安仁子謚肅

太保錄尚書事襄城公贈襄城王盧魯元昌黎徒河人太

平真君三年謚孝 襄城王盧統魯元子文成興安二

年謚景 襄城王盧彌娥統弟謚恭

廬陵公贈司空來大千代人太武時謚莊 相曹都典奉

事贈寧南將軍陳留公來丘頹大千子獻文皇興四年

謚簡

太常卿贈雍州刺史隴西王姚黃眉明元昭哀皇后之弟

太武時謚獻

長樂太守信都侯屈須昌黎徒河人謚恭 尚書右僕射

侍中濟北公屈恒字長生須子太平真君四年謚成

尚書右僕射加侍中屈道賜恒次子太武時謚哀 東

陽鎮將贈青州刺史屈車渠須孫孝文時謚莊

征南大將軍太宰駙馬都尉陽平王杜超字祖仁魏郡鄴

人密皇后之兄太平真君五年爲帳下所害謚威 內

都大官贈太傅廣平王杜遺超從弟謚宣 司空贈散

騎常侍安南將軍南康公杜邁儁超子謚昭

內都大官贈鎮西將軍秦雍二州刺史涪陵郡公薛謹字

法順河東汾陰人太平真君五年以從駕後期 殺謚

元 鎮西大將軍開府儀同三司贈左光祿大夫河東

公薛洪祚賜名初古拔謹之子太和八年謚康 立忠

將軍河北太守河東公薛胤字寧宗洪祚子太和二十

三年謚敬 中書博士贈河東太守薛麟駒洪祚從子

太和十年謚宣 都督齊州刺史贈車騎大將軍儀同

三司延州刺史薛聰字延智洪祚從子太武時謚簡懿

侍郎行司徒校尉宋宣字道茂廣平列人人太平真君七

年贈司隸謚簡 廣平太守贈安遠將軍相州刺史列

人子宋愔道茂姪興安五年謚惠 右衛將軍領黃門

兼祠部尚書攝七兵事贈瀛州刺史宋弁字義和愔孫

太和末謚貞順 司徒左長史河南尹贈驃騎大將軍

儀同三司尚書左僕射雍州刺史宋翻字飛鳥并族弟  
莊帝永安三年謚貞烈

贈安西將軍秦州刺史馮翊公寇修之字延期上谷人太  
武時追謚哀 南雍州刺史河南公寇讚字奉國修之  
子太平真君九年謚宣穆

萬騎大將軍弘農王奚斤代人太平真君九年謚昭 澄  
成縣開國侯贈征遠將軍洛州刺史奚遵斤玄孫謚哀  
尚書贈廣陽侯公孫質字元直燕郡廣陽人太平真君九  
年謚恭 南部尚書陽平公公孫獻字文叔質之姪謚  
宣

光祿勳廣陵王婁伏連代人太平真君十年謚恭 散騎

常侍尚書安北將軍湘東公婁真伏連子從征涼州卒

謚莊 中都大官贈平東將軍定州刺史婁大拔真弟

文成時謚康 霸成男贈安東將軍冀州刺史陽平公

婁安文伏連兄孫文成與安初以其子毅貴追謚定

梁城戍將贈洛陵太守穎川公晁清遼東人太武時謚忠

故姚泓安定護軍魏贈振威將軍秦州刺史石安縣子孫

瓚咸陽石安人太武時以子小爲宦者陳請謚戴

奮武將軍幽州刺史臨渭侯贈太保張袞字洪龍上谷沮

陽人太武時謚文康 中都大官贈征東大將軍冀州

刺史張度袞次子謚康 大中大夫平臯侯張恂字洪

讓袞弟明元神瑞三年謚宣 常山太守張代字定燕

恂子謚惠 散騎常侍殿中尚書贈湘州刺史廣平公  
張白澤衮之孫太和五年謚簡

中書侍郎贈定州刺史邢穎字宗敬河間鄭人太武時謚  
康 殿中尚書撫軍將軍贈車騎大將軍瀛州刺史邢  
巒字洪賓穎孫宣武延昌三年謚文定 滄州刺史贈  
尚書左僕射瀛州刺史邢晏字幼年巒弟孝昌中謚文  
貞 通直散騎常侍中軍將軍贈車騎將軍都官尚書  
冀州刺史邢昕字子明巒弟之字謚文 中書侍郎  
太子中庶子贈建威將軍平州刺史樂成子邢旌字神  
寶巒從叔謚定 光祿少卿贈幽州刺史邢虬字神虎  
巒從叔謚威 濮陽太守安東將軍贈鎮北將軍定州

刺史邢臧字子良虬子謚文

庫部尚書加散騎常侍贈中領軍燕郡公尉地干代人太  
武時謚惠 侍中太尉贈大將軍漁陽王尉眷地干兄  
文成和平四年謚莊

寧南將軍虎牢鎮都副將贈安南將軍荊州刺史長社侯  
王慧龍太原晉陽人太武時謚穆

太尉柱國大將軍北平王長孫嵩代人太武時謚宣 北  
平王長孫頽嵩之子謚安 北鎮都將北平公長孫敦  
字孝友頽之子孝文時謚簡 右衛將軍長孫道生念  
僧敦子謚慎 司空侍中上黨王贈太尉長孫道生嵩  
從子謚靖 征南大將軍上黨王長孫觀道生之孫謚

定 征南大將軍上黨王長孫幼初名冀歸孝文以其  
幼承家業賜名幼字承業觀子文帝大統元年謚文宣  
侍中外都大官贈寧東將軍幽州刺史屈蛇侯羅結代人  
年一百二十歲卒太武時謚貞 柔玄鎮都大將軍帶  
方公羅斤結子謚靜 散騎常侍庫部尚書贈安東將  
軍幽州刺史帶方公羅敦斤子謚恭 司農卿光祿大  
夫贈征北將軍燕州刺史帶方公羅伊利敦子宣武景  
明初謚靜 征西將軍吏部尚書贈寧東將軍定州刺  
史趙郡公羅拔歷敦弟謚康

寧西將軍涼州鎮都大將贈鎮西將軍秦州刺史東阿侯  
高湖字太淵渤海蓊人即齊神武之曾祖太武時謚敬

治書御史贈使持節侍中都督壽徐等五州諸軍事

驃騎大將軍太尉公青州刺史高謚字安平湖第三子

太昌初謚武貞 大都督贈使持節都督冀湘等六州

諸軍事大將軍太師錄尚書事冀州刺史渤海王高樹

謚子太昌初謚文穆 侍御中散贈使持節侍中都督

冀定洛瀛等十州諸軍事大將軍太傅太尉公錄尚書

事冀州刺史高讎字飛雀樹弟孝靜元象中謚孝宣

龍驤將軍涇州刺史帶金城太守贈使持節侍中都督

定相殷三州諸軍事驃騎大將軍儀同三司定州刺史

高真謚兄太昌元年謚武穆 河州別駕贈使持節侍

中都督青徐濟三州諸軍事儀同三司青州刺史高仁

真子太昌初謚明穆

假平西將軍員外散騎常侍贈使持節侍中都督冀定湘  
瀛滄五州諸軍事司徒公冀州刺史高徽字榮顯孝武  
永熙中謚文宣 龍驤將軍中散大夫征西都督贈侍  
中驃騎大將軍儀同三司雍州刺史高歸義徽子太昌  
初謚孝貞 龍驤將軍鉅鹿太守贈安東將軍幽州刺  
史涇縣侯高恒字叔宗湖弟道武時謚惠 鎮南將軍  
相州刺史高道字始意恒子謚莊 白水太守贈使持  
節都督秦雍二州諸軍事車騎大將軍司空公雍州刺  
史高幹字干奴道子太昌初謚孝穆 南秦州長史贈  
輔國將軍涼州刺史高偁字伯欣幹子謚宣

奉朝請員外散騎侍郎贈侍中都督青徐光三州諸軍  
驃騎大將軍儀同三司青州刺史高睿字明珍永熙中  
謚文景

宋兵將軍交趾侯周幾代人太武時贈交趾公謚桓  
洛州刺史贈定州刺史鉅鹿公李靈字虎符趙郡平棘人  
高宗文成興安初謚簡 長安鎮副將鉅鹿公李恢靈  
子獻文皇興元年為東平王道符所害謚貞 河南太  
守贈安州刺史平棘子李顯甫恢次子謚威 侍中衛  
尉卿贈使持節督定冀殷幽四州諸軍事大將軍司徒  
定州刺史李元忠顯甫子孝靖武定三年謚敬惠 征  
東府司馬贈征虜將軍幽州刺史李道恢弟綜之子為

京兆王愉所害謚簡 兖州刺史始豐侯李燦字世顯  
靈弟均之子孝文元興元年謚懿 司徒司馬彭城鎮  
副將李元茂璨子太和二十年謚順 幽州刺史李宣  
茂璨子宣武延昌二年謚惠 南趙郡太守李叔胤宣  
茂弟宣武景明三年謚惠 尚書左丞贈鎮遠將軍光  
州刺史李仲胤叔胤弟謚恭 安南將軍贈侍中鎮西  
大將軍太尉公高平王李順字德正靈從父弟崔浩讒  
而誅之皇興初以子敷等貴盛謚宣 征東將軍揚州  
刺史淮南大都督贈使持節都督定冀相殷四州諸軍  
事驃騎大將軍儀同三司尚書令定州刺史李憲字仲  
規順之孫永熙中謚文靜 憲身爲降虜已經賜死  
乃復贈爲贈謚謬矣 上

黨太守贈使持節都督定冀滄瀛殷五州諸軍事驃騎  
大將軍司空公殷州刺史李希宗字景玄憲子孝靖興  
和二年謚文簡 趙郡太守贈荊州刺史栢人子李魯  
順從父道武時謚懿 使持節散騎常侍秦州刺史宣  
城公李孝伯魯之子太安五年謚文昭 中書侍郎贈  
定州刺史平棘子李祥字元善孝伯兄文成時謚惠  
侍郎中壘將軍元氏子李熙字仲熙順族弟神麈中與  
高允俱被徵後卒謚莊 贈青州刺史元氏子李季玉  
熙子謚貞 征東將軍金紫光祿大夫贈驃騎大將軍  
都官尚書定州刺史趙郡公李育字仲遠順族孫孝靜  
天平四年謚貞 廷尉少卿贈平東將軍齊州刺史李

梁州刺史贈征虜  
將軍幽州刺史容城伯李渙字仲文順之族謚昭 中  
書侍郎兼通直散騎常侍贈瀛州刺史李同軌熙族孫  
武定四年謚康

上將軍前部王贈鎮西大將軍秦州刺史車伊洛焉耆胡  
興安二年謚康

長廣公贈長廣王豆代田代人興安中謚恭 吏部尚書  
贈征北大將軍長廣王豆求周代田子皇興二年謚簡  
龍驤將軍恒山太守贈涇州刺史安武侯韓耆字黃耆安  
定安武人謚成 尚書令侍中征南大將軍太子少師  
贈涇州刺史安定王韓茂字元興耆子高宗文成太安

二年謚桓 散騎常侍征南大將軍贈雍州刺史安定  
公韓備字延德茂子謚簡 定州刺史安定公韓均字  
天德備之弟延興五年謚康

外都大官東平郡王陸侯代人太安四年謚成 太保建  
安王陸馥侯子延興四年謚貞 正平太守贈龍驤將  
軍南徐州刺史陸凱字智君馥子正始初謚惠 東荆  
州刺史贈吏部尚書陸恭之字季順凱子孝靜天平四  
年謚懿 侍中撫軍大將軍司徒公平原王陸麗馥弟  
獻文初謚簡 侍中鎮南將軍秦益二州刺史東郡王  
陸定國麗長子太和八年謚莊 安北將軍湘州刺史  
陸昕之字慶始定國子永平四年謚惠 中書監贈開



府儀同三司濮陽郡王陸子彰字明遠昕之從兄希道  
子孝靜武定八年謚文宣 太常卿衛大將軍中書監  
青州刺史陸希質字幼成定國從子武定七年謚文  
陸儁代人俟族子謚貞 前將軍廣牧子陸清都麗弟  
頽之子謚順 夏州刺史贈太僕卿陸珍馥從子謚靜  
秘書監贈湘州刺史廣平侯游雅字伯度廣平任人高宗  
文成和平二年謚宣 大鴻臚卿贈光祿大夫新泰伯  
游明根字志遠雅從弟太和二十三年謚靖 尚書右  
僕射贈使持節散騎常侍驃騎大將軍儀同三司冀州  
刺史游肇字伯始明根子孝明正光元年謚文貞 國  
子博士領尚書郎贈給事黃門侍郎幽州刺史高邑縣

侯游祥字宗良肇子孝昌元年謚文

侍中鎮東將軍幽州刺史魯郡公孔昭魏郡鄴人以密皇  
后親賜爵和平二年謚康 散騎常侍彭城鎮將都督  
東海公贈鎮東大將軍東海王孔伯恭昭子皇興二年  
謚桓

閻延代人本蠕蠕人恭后祖和平二年追謚襄康 閻辰  
定延之子恭后父和平二年追謚襄懿

內都大官新安侯贈淮陽王皮豹子漁陽人和平五年謚  
襄 散騎常侍安南將軍豫州刺史南康侯皮懷喜豹  
子之子太和七年謚恭

西道都將西平公乙瓌代人和平中謚恭 駙馬都尉秦

州刺史中道都將西平公乙乾歸瓌子尚景穆女安樂  
公主延興五年謚康 散騎侍郎乙海字懷仁乾歸子  
謚孝

外都大官楊難當氏人高宗時謚忠 鎮南將軍都督寧  
湘等五州諸軍事贈車騎大將軍開府儀同三司楊集  
始難當族謚安

故宋洛陽令魏贈平南將軍洛州刺史鞏縣侯張孟舒河  
南鞏人高宗文成時以子宗之爲宦者有寵謚貞 殿  
中給事中常侍贈涇州刺史涇陽侯張鸞旗孟舒子謚  
靖

并州刺史安南將軍北海公王憲字顯則北海劇人猛之

後獻文帝天安初謚康 南兖州刺史王雲字羅漢憲  
孫熙平二年謚文昭

陽夏子贈豫州刺史袁式字季祖陳郡陽夏人天安二年  
謚肅

中書侍郎贈秦州刺史聞喜侯裴駿字神駒河東聞喜人  
皇興二年謚康 中大夫贈東秦州刺史裴脩字元寄  
駿子太和十六年謚恭 七兵尚書贈司徒公裴詢字  
敬叔脩子孝明武泰初河陰遇害謚貞烈 征虜將軍  
南秦州刺史贈豫州刺史裴宣字叔令脩弟永平四年  
謚定尋改爲穆 叅軍贈通直散騎侍郎裴莊伯字孝  
夏宣子永安三年謚獻 太學博士贈中書侍郎裴敬

憲字孝虞宣第二子永興三年謚文 河東太守贈雍  
州刺史裴雙彪謚順 衛大將軍大府卿贈侍中尚書  
僕射裴良字元賓天平二年謚貞 司徒主簿贈河東  
太守裴仲規沒于陣謚貞 司徒從事中郎贈東秦州  
刺史裴叔義仲規弟正光五年謚宣 中軍大將軍贈  
吏部尚書裴伯茂叔義子夫平時謚文 華州刺史裴  
宣明謚簡  
中庶子陽都子贈冀州刺史武邑公賈秀本武威姑臧人  
後家幽州獻文帝皇興三年謚簡 京兆王府外兵參  
軍贈河東太守賈景雋秀之宗人永平中謚貞  
定州刺史平昌王和琪叔代人皇興三年謚宣

鎮南大將軍徐州刺史贈秦州刺史河東王薛安都字休

達河東汾陰人皇興二年謚康 金紫光祿大夫散騎

常侍贈左光祿大夫敷西縣伯薛真度安都弟永平中

謚莊

假節都督秦涇梁益雍五州諸軍事開府王度廣甯人謚

莊

濟州刺史贈征西大將軍酒泉王唐和字穉起晉昌宜安

人皇興中謚宣

平南將軍北豫州刺史贈冠軍將軍安成侯尉撥代人獻

文時謚敬

吏部尚書贈太原王宿石朔方人高祖孝文延興元年謚

康

散騎常侍贈平東將軍幽州刺史固安侯盧玄字子真范

陽涿人謚宣散騎侍郎盧度世字子遷玄子延興元

年謚惠秘書監固安伯盧淵字伯源度世子宣武景

明二年謚懿司徒司馬贈太常卿盧道將字祖業淵

子謚獻左將軍涇州刺史盧道裕字寧祖道將弟神

龜二年謚文衛大將軍幽州刺史盧道虔字慶祖道

裕弟天平時謚恭文儀曹郎贈威遠將軍范陽太守

盧敏字仲通淵弟太和時謚靖都官尚書驃騎大將

軍左光祿大夫贈大將軍儀同三司瀛州刺史盧義熙

子遠敏子興和中謚孝簡鎮西將軍散騎常侍盧

昶字叔達小字師顏敏弟熙平元年謚穆輔國將軍

司徒司馬贈散騎常侍都督幽瀛二州諸軍事驃騎大

將軍吏部尚書盧元緝字幼縉昶子謚宣侍中驃騎

將軍左光祿大夫儀同三司贈侍中都督冀滄瀛三州

諸軍事驃騎大將軍司空公冀州刺史彰武縣開國伯

盧同字叔倫玄族孫永熙初謚孝穆青州刺史贈司

徒公尚書右僕射盧文偉字休族玄族子謚孝威范

陽太守贈度支尚書盧恭道文偉子謚定

長安鎮將河南公陸貞代人延興二年謚烈

東徐州刺史贈青州刺史平陸侯張謹字處言清河東武

城人延興四年謚康

龍驤將軍榮陽太守贈使持節大將軍雍州刺史李承字伯業隴西人延興五年謚穆 定州刺史散騎常侍贈使持節散騎常侍車騎大將軍司空公雍州刺史李韶字元伯承子正光五年謚文恭 撫軍將軍秦州刺史贈侍中驃騎大將軍司徒公雍州刺史李彥字次仲韶弟正光五年爲州民所害永安中謚孝貞 特進驃騎大將軍開府儀同三司贈侍中驃騎大將軍太尉公都督冀宣瀛三州諸軍事冀州刺史高平男李處字叔恭彥弟永安三年謚宣景 西交州刺史鎮西將軍燉煌侯李茂字仲宗承弟景明三年謚恭 鎮遠將軍潁川太守贈征虜將軍秦州刺史李輔字督真茂弟太和六年謚襄武 輔國將軍荊州刺史贈秦州刺史李佐字季翼輔弟景明二年謚莊 尚書左僕射贈司空公清泉侯李冲字思順承少弟孝文時謚文穆 使持節侍中太傅錄尚書事青州刺史贈使持節侍中太師太尉公錄尚書事都督雍州刺史李延實字禧冲之子出帝初謚孝懿 營州刺史贈衛將軍中書監左光祿大夫李思穆字叔仁韶從父永安中謚宣惠一謚宣武 侍中車騎大將軍左光祿大夫儀同三司贈侍中驃騎大將軍司徒公雍州刺史李琰之字景珍韶族弟永熙二年謚文簡

侍御中散贈平遠將軍涼州刺史顯美侯王橋字法生太

原晉陽人天安初謚敬孝文以子叡故復追贈侍中征西將軍左光祿大夫儀同三司武威王改謚定 尚書令中山王鎮東將軍贈衛大將軍太宰并州牧王叡字洛誠橋之子佞幸人太和四年謚宣 并州刺史贈豫州刺史王襲字元孫叡長子景明二年謚質 汝南王記室叅軍贈散騎常侍安北將軍肆州刺史武威王王忻襲子建義初河陰遇害謚穆 瀛州刺史真定縣子贈尚書左僕射太尉公冀州刺史王椿字元壽叡次子興和二年謚文恭 給事中龍驤將軍贈安南將軍冀州刺史中都侯王魏誠叡弟謚恭 兼廷尉卿行定州事贈撫軍將軍并州刺史中都伯王靜字元安魏誠之事

子孝昌二年謚貞 冠軍將軍姑臧侯贈安東將軍并州刺史鉅鹿公王隆保叡叔謚靖

平西將軍北幽州刺史固安侯李崇范陽人謚襄 成周太守贈幽州刺史容城侯李恭字元順崇子謚簡 營丘太守平西將軍贈兖州刺史固安侯李瓘字元衡恭弟謚康 左將軍長安副將太常卿宜陽侯李璞字季直瓘弟高祖孝文承明元年謚穆 尚書左丞中堅將軍贈平遠將軍南青州刺史李蘊字宗令璞子延昌三年謚敬

太尉贈侍中太尉隴西王源賀西平樂都人高祖孝文太和三年謚宣 侍御中散贈涼州刺史廣武侯源延賀

子謚簡 車騎大將軍馮翊公源懷延子正始三年謚  
惠 初太常議謚曰懷體尚寬柔器操平正依謚法柔  
直考終曰靖宜謚靖公司徒府議懷作牧陝西民餘惠  
化入總端揆朝列歸仁依謚法布德執義曰穆宜謚穆  
公二謚不同詔曰府寺所執並不克允愛民好與曰惠  
可謚惠公

冀州刺史贈司空陽平縣公源子雍字靈和懷子永安  
中謚莊穆 直閣將軍贈洛州刺史源徽字靈祚懷子  
謚質 中書監魏尹贈司空公源子恭字靈順子雍弟  
興和二年謚文獻 光祿大夫贈度支尚書冀州刺史  
隴西郡公源紹懷曾孫謚文

上黨太守贈豫州刺史野王侯呂溫字希陽本東平壽張  
人後家幽州謚敬 內都大官山陽公呂羅漢溫子太

和六年謚莊

徐州刺史東安伯刁廡字叔和渤海饒安人太和八年謚  
簡 洛州刺史刁遵字奉國廡子熙平元年謚惠 車  
騎將軍右光祿大夫贈司空刁整字景智遵子天平四  
年謚文獻 都官尚書衛大將軍合州刺史贈太尉高  
城縣侯刁宣字季達整弟謚武 驍衛大將軍左光祿  
大夫贈車騎大將軍曲成鄉男刁雙字子山廡族孫興  
和三年謚清穆

秘書令贈兗州刺史曲安侯程駿字麟駒其先廣平曲安

人後家涼州太和九年謚憲

虎牢鎮將零陵公仇儼中山人宦者洛齊養子太和九年

謚靖

秘書令贈平東將軍幽州刺史都昌侯平恒字繼叔燕國

薊人太和十年謚康

鎮軍大將軍贈侍中司空冀州刺史咸陽公高允字伯恭

渤海人太和十一年謚文 并州刺史高綽字僧裕允

孫正光三年謚簡一謚文簡 散騎常侍贈臨邑子高

推字仲讓兄弟謚恭 滄水太守浮陽子高濟字叔民

允從叔太武時謚宣 尚書郎贈樂陵太守高當允族

孫謚恭 假散騎常侍菑縣侯贈冀州刺史假滄水公

高謙允從父謚康 光祿大夫贈太常高祐字子集

子太和二十三年太常議謚惕詔以不遵上命謚為靈

征虜將軍中散大夫贈平東將軍滄州刺史建康子

高顥字明賢祐孫宣武時謚惠 驍騎將軍徐州行臺

高諒字修賢顥弟正光中為元法僧所害謚忠

齊州刺史贈散騎常侍燕郡公韓麒麟昌黎棘城人太和

十二年謚康

征北大將軍司空河東王苟頹代人太和十三年謚僖

後將軍贈平北將軍并州刺史苟資頹子延昌末謚愍

下邳太守晉陽侯辛紹先隴西狄道人太和十三年謚惠

征虜將軍大中大夫贈後將軍幽州刺史辛穆字叔



宗紹先子孝昌二年謚貞

秘書監鄭義字幼麟榮陽開封人太和十六年謚文靈

初尚書奏謚宣詔曰蓋棺定謚先典成式激揚清濁政道明範義雖只有文業而政缺廉清尚書何乃情遺至公愆違明典依謚法博聞多見曰文不勤成名曰靈可贈以本官加謚文靈

齊州刺史贈兖州刺史榮陽伯鄭懿字景明義子永平三年謚穆 秘書監鄭道昭字僖伯懿之弟熙平元年謚文恭 榮陽太守贈冠軍將軍豫州刺史開封侯鄭穎考義從兄子孝文時謚惠 濟州刺史輔國將軍鄭本將軍豫州刺史鄭尚義從子謚惠 衛將軍

夫贈尚書右僕射鄭士恭義弟永熙中謚貞

鴻臚少

卿鄭胤伯義兄子謚簡 司州別駕贈散騎常侍兖州

刺史鄭幼儒胤伯子謚景

司徒山陽郡公尉元字苟仁代人太和十七年謚景桓

恒州刺史博陵郡公尉翊元子謚順 尚書左民郎中

贈鎮將軍洛州刺史尉靜寬翊弟謚敬

秦雍二州刺史遼西郡公贈假黃鉞太宰燕王馮朗遼西人文明太后之父太后臨朝追謚宣 車騎大將軍開

府都督洛州刺史贈假黃鉞侍中都督十州諸軍事大司馬太尉冀州刺史京兆郡公馮熙字晉昌朗之子太

丁九年謚武 司徒車騎大將軍太子太師贈假黃

鉞使持節大司馬領司徒侍中都督太師駙馬都尉長  
樂郡公馮誕字思政熙之子太和十九年謚元懿

時有司奏謚詔曰按謚法善行仁德曰元柔克有光曰  
懿昔貞惠兼美受三謚之榮忠武雙微錫兩號之茂式  
準前迹宜契具瞻既自少綱繆知之惟朕按行定名謚  
曰元懿

太子中庶子贈散騎常侍營州刺史高道悅字文欣遼東  
新昌人太和二十年爲子恂所殺謚貞 尚書左外兵  
郎贈通直散騎侍郎高觀道悅弟謚閔

使持節都督吳越楚彭城諸軍事大將軍贈假黃鉞太傅  
領揚州刺史宋王劉昶字休道南宋義隆子太和二十

一年謚明

平遠將軍贈青州刺史壯武侯房法壽清河繹幕人太和  
中謚敬 步兵校尉領尚書郎齊州中正贈洛州刺史  
房景先字光胄法壽族子神龜元年謚文 濟南太守  
攝洛州事贈平東將軍齊州刺史房士達法壽從祖弟  
永熙二年謚武 司空諮議立忠將軍贈南青州刺史  
房堅字千秋宣武時謚懿

平東將軍青州刺史范陽公酈範字世則范陽涿鹿人孝  
文時謚穆

大中大夫贈秦州刺史抱疇生安定石唐人孝文時以子  
疑爲宦官有寵謚靖

寧南將軍肆州刺史贈太師司徒公錄尚書事梁郡公爾  
朱代勤北秀容人孝文時謚莊 散騎常侍平北將軍  
贈太師相國西河郡王爾朱新興代勤子正光中謚簡  
使持節侍中都督河北諸軍事天柱大將軍大丞相  
太師贈假黃鉞相國錄尚書事司州牧晉王爾朱榮字  
天寶新興子莊帝永安三年謚武 此賊臣也而謚  
魏謚並無經矣 太  
常卿開府儀同三司侍中特進贈司徒爾朱菩提榮長  
子前廢帝初謚惠

東徐州刺史桐廬縣子贈青州刺史安平侯崔鑿字神具  
博陵安平人孝文時謚康 驃騎大將軍儀同三司贈  
尚書令司徒公崔秉鑿子天平四年謚靖穆 中軍將

軍光祿大夫贈車騎將軍尚書右僕射定州刺史蒲陰  
男崔季良秉之小子謚簡 平遠將軍武邑太守崔辨  
字神通鑿從祖弟謚恭 昭武將軍光州刺史贈輔國  
將軍幽州刺史崔挺字雙根辨從父弟景明四年謚景  
龍驤將軍河東太守贈本將軍南兖州刺史崔振字  
延根挺弟宣武永平中謚定 趙郡太守崔孝暉字敬  
業挺子莊帝時謚簡 廣平太守贈平東將軍高邑男  
崔孟舒字長才挺從弟瑜之子謚康 大中大夫贈濟  
州刺史臨淄男崔敬邕挺從祖弟神龜中謚恭  
協律中郎都昌子劉休賓都昌人孝文時謚貞  
征虜將軍河東太守贈本將軍華州刺史尋陽伯趙超宗

天水人世宗宣武時謚成 平西將軍汾州刺史贈安南將軍豫州刺史趙遐超宗族孝明時謚襄

使持節散騎常侍都督豫州刺史征南將軍贈驃騎大將軍開府儀同三司蘭陵郡公裴叔業河東聞喜人世宗景明元年謚忠武 輔國將軍中散大夫贈平南將軍豫州刺史裴譚叔業子謚敬 渤海相雍丘縣子裴彥先叔業兄子延昌中謚惠恭 渤海太守贈平南將軍豫州刺史觀津子裴瑜字文琬叔業弟之子謚定 東郡太守贈散騎常侍高城侯裴炯字休光叔業從孫孝昌三年謚簡

通直散騎常侍贈汾州刺史李彪字道固頓丘衛國人景

明二年謚剛憲

都水使者將作大匠贈龍驤將軍青州刺史將少游樂安博昌人性機巧能刻畫制器景明二年謚質

揚州刺史贈侍中司空公昌國縣侯王肅謚恭懿瑯琊臨沂人景明二年有司奏肅貞心大度宜謚匡詔謚宣簡散騎常侍光祿大夫右將軍幽州刺史兼秘書監給事黃門侍郎贈尚書左僕射司空公王誦字國章肅兄融之子孝莊初河陰遇害謚文宣 侍中贈尚書令司徒公王衍字文舒誦弟天平三年謚文獻

太常卿光祿大夫高閭字闔士漁陽雍奴人景明三年謚文貞一單謚文

贈梁州刺史追封安平縣子江悅之字彥和濟陽考城人  
正始三年謚莊

平陽太守贈光州刺史成淹字季文上谷居庸人正始時  
謚定

侍中駙馬都尉殿中都官尚書左僕射贈征南大將軍定  
州刺史中山王李蓋中山人謚莊 雍州刺史征南大  
將軍長安鎮大將贈使持節驃騎將軍開府儀同三司  
定州刺史中山公李惠蓋之子思皇后之父為文明皇  
后所忌見殺正始初贈官追謚莊

厲威將軍贈左光祿大夫渤海公高颺渤海菑人文昭皇  
后之父宣武時追謚敬 贈安東將軍都督青州刺史

高偃字仲游颺孫宣武后父正始中謚莊

假節行華州事贈南青州刺史李叔彪渤海菑人永平四  
年謚穆 齊王開府諮議參軍征東將軍兼散騎常侍  
贈驃騎大將軍儀同三司冀州刺史李象字孟賄叔彪  
族興和三年謚文簡

大中大夫贈幽州刺史雲陽伯鄭演開封滎陽人謚懿  
通直散騎常侍雲陽伯鄭長猷演子永平五年謚貞  
光祿大夫平北將軍贈安東將軍齊州刺史徐謩字成伯  
丹陽人善醫延昌初謚靖

太常卿贈鎮東將軍徐州刺史劉芳字伯文彭城人世宗  
延昌二年謚文貞 安南將軍大司農卿贈徐州刺史

劉懌字祖忻芳子謚簡 太尉司馬贈持節前將軍南秦州刺史劉懋字仲華芳從子熙平二年謚宣簡

選部給事中贈安南將軍洛州刺史弘農公楊懿弘農華

陰人謚簡 贈鎮西將軍雍州刺史華陰伯楊播字延

慶懿子延昌二年謚莊 司空侍中尚書令贈大將軍

太傅楊津字延祚播弟太昌初謚孝穆 尚書左丞金

紫光祿大夫贈車騎大將軍儀同三司幽州刺史楊遁

字才山津長子太昌初謚恭定 光州刺史贈都督豫

郢二州刺史華陰男楊逸字遵道津次子太昌初謚貞

洛州刺史贈弘農公楊暉播族祖謚簡 七兵尚書

北道大行臺恒州刺史懷朔鎮將軍臨貞縣伯楊鈞播

族弟謚恭 都督東雍華二州諸軍事驃騎大將軍

府儀同三司華州刺史陽夏侯楊儉鈞子謚靜

齊州刺史贈兖州刺史汶陽縣伯孟表字武達濟北蛇丘

人延昌四年謚恭

高陽太守贈平遠將軍光州刺史劉文畢本平康人後家

北海之都昌延昌中謚貞

都水使者贈洛州刺史韋雋字穎超京兆杜陵人肅宗孝

明熙平元年謚貞 豫州刺史西襲縣男韋子粲字暉

穆雋子謚忠

贈兖州刺史高密侯常道福閩從叔謚簡 大中大夫行

幽州事贈南交州刺史杜縣侯常欣宗道福子謚簡

鎮遠將軍太尉諮議參軍贈青州刺史霸成侯常珍字  
靈智閩族弟永平元年謚懿 長史兼尚書贈撫軍將  
軍雍州刺史陰盤縣男常或字遵慶珍子孝昌元年謚  
文 侍中雍州刺史杜縣子常肅字遵顯或弟永安三  
年謚宣  
冠軍將軍尚書左丞贈安南將軍并州刺史高都公慕容  
琚謚簡 都督朔州刺史定陶男慕容契琚孫熙平元  
年謚克  
寧朔將軍步兵校尉贈龍驤將軍朔州刺史劉社生代人  
熙平初謚克

光祿大夫贈平西將軍秦州刺史乘氏伯席法友安定人  
熙平二年謚襄

征南將軍金紫光祿大夫散騎常侍贈征東大將軍鄂州  
刺史曲陽縣伯田益宗光城蠻熙平二年謚莊  
散騎常侍安東將軍瀛州刺史贈撫軍將軍雍州刺史濮  
陽縣侯夏侯道遷譙國人熙平時謚明  
尚書右僕射侍中車騎大將軍贈司空靈壽縣公于忠字  
思賢本字千年代人肅宗神龜元年謚武敬  
忠卒有司奏太常少卿元端議按謚法剛強正直曰武  
怙威肆行曰醜宜謚武醜公太常正卿元修義議忠盡  
心奉上剪除凶逆依謚法除僞寧真曰武夙夜恭事曰  
敬宜謚武敬公二卿不同靈太后令依正卿議

征北將軍定州刺史贈司空于勁字鍾葵忠從父謚恭  
莊 鎮南將軍肆州刺史于須勁弟謚武 征東將軍  
贈都督冀定二州諸軍事衛將軍尚書僕射儀同三司  
于昕忠從父敦之子天平中謚文恭 通直散騎常侍  
贈右將軍洛州刺史于礫忠從父果之子謚哀 司徒  
掾贈鎮遠將軍洛州刺史于祗礫弟謚悼

光祿大夫贈瀛州刺史孫惠蔚字叔炳武邑武遂人神龜

元年謚戴

司徒公侍中贈假黃鉞使持節侍中相國都督中外諸軍  
事太師領太尉公司州牧太上秦公胡國珍字世王安  
定臨涇人靈太后父神龜元年謚文宣 殿中尚書中

書監侍中贈開府儀同三司雍州刺史東平郡公胡

字元吉國珍子謚孝景 中書監侍中贈太師太尉公

錄尚書事雍州刺史濮陽公胡僧洗字湛輝國珍兄子

天平四年謚孝貞 岐涇二州刺史贈太師太尉公錄

尚書事臨涇公胡寧字惠歸僧洗子初謚孝穆後以女

爲清河王亶妃改謚孝昭 司空公贈太傅太尉公尚

書僕射徐州刺史安陽侯胡虔字僧敬寧之子興和三

年謚宣 冀州刺史贈司徒公錄尚書事定州刺史陽

平郡公胡盛字歸興寧弟謚懿穆

光祿大夫征西將軍贈使持節衛將軍冀州刺史平陸侯

張彞字慶賓清河東武城人神龜二年爲其子仲瑀欲



排抑武人羽林軍士捶辱之因卒謚文 尚書郎贈樂陵太守張始均字子衡彞子神龜二年爲羽林軍士投於火卒謚孝

中山內史加平北將軍贈豫州刺史愼縣伯王世弼京兆霸城人肅宗正光元年謚康

光祿大夫贈撫軍將軍青州刺史高聰字僧智本濮海脩人後家北海之劇縣正光元年謚獻

殿中尚書贈尚書右僕射崔休字惠盛正光四年謚文貞岐州刺史贈平東將軍濟州刺史劉道斌武邑灌津人正光四年謚康

魏軍贈輔國將軍太常少卿楊固字敬安北平無終人

### 正光四年謚文

司徒侍中國子祭酒贈太傅尚書令驃騎大將軍開府冀州刺史平恩縣侯崔光本名孝伯字長仁孝文賜今名東清河郇人正光五年謚文宣 征虜將軍平州刺史贈使持節征東將軍齊州刺史崔長文字景翰光從祖弟天平初謚貞

尚書僕射贈車騎大將軍儀同三司崔亮字敬儒清河東武城人明帝時謚貞烈 龍驤將軍贈都督青州刺史五等男崔士泰亮子建義初河陰遇害謚文肅

侍中贈司徒公尚書左僕射甄琛字思伯中山無極人正光五年謚孝穆

初琛謚文穆吏部郎袁翻駁曰按禮謚者行之迹也故  
闔棺然後定謚皆累其生時美惡所以爲將來勸戒身  
雖死使名常存也凡薨亡者屬所卽言大鴻臚移本郡  
大中正條其行跡功過承中正移言公府下大常部博  
士評議爲謚列上謚不應法者博士坐如選舉不以實  
論若行狀失實中正坐如博士自古帝王莫不殷勤重  
慎以爲褒貶之實也今之行狀皆出自其家任其臣子  
自言君父之行無復是非之事臣子之欲光揚君父但  
苦跡之不高行之不美是以極詞肆意無復限量觀其  
狀也則周孔聯鑲伊顏接袵論其謚也雖窮文盡武罔  
或加焉然今之博士與古不同惟知依其行狀又先問  
其家人之意臣子所求便爲議上都不復斟酌與奪商  
量是非致謚號之加與況階莫異專以極美爲稱無復  
貶降之名禮官之失一至于此按甄司徒行狀至德與  
聖人齊蹤鴻名共大賢比迹文穆之謚何足加焉但比  
來贈謚於例頗重如甄琛之流無不復謚謂宜依謚法  
慈惠愛民曰孝布德執義曰穆宜謚曰孝穆公自今以  
後明勅太常司徒有行狀如此言辭流宕無復節限者  
悉請裁量不聽爲受必準人立謚不得甚加優越復仍  
踵前來之失者付法司科罪從之將軍帝正光五年  
也

車騎將軍北徐州刺史贈驃騎大將軍儀同三司瀛州

刺史甄密字叔雍琛從父弟興和四年謚靖

開府徐州大都督贈太尉公魏昌縣伯李崇字繼長頓丘

人肅宗孝昌元年謚武康 武衛將軍給事黃門侍郎

領中書舍人贈侍中司空公湘州刺史李神軌崇子河

陰遇害建義初謚烈 尚書右僕射加散騎常侍贈侍

中驃騎大將軍儀同三司冀州刺史武邑郡公李平字

曇定從弟熙平元年謚文烈 高陽王友贈洛州刺史

李邕字修穆平之子謚文

光祿大夫右丞持節西道行臺贈平北將軍幽州刺史張

普惠字洪振常山九門人孝昌元年謚宣恭

侍講中書舍人贈尚書左僕射賈思伯字士休齊郡益都

人孝昌元年謚文貞 侍中贈尚書右僕射司徒公

陵縣男賈思同字士明思伯弟興和二年謚文獻

使持節平南將軍交州刺史假彭城公贈撫軍將軍衛尉

卿畢元賓東平須昌人謚平 贈冠軍將軍徐州刺史

鉅平侯畢眾愛元賓從父謚康 軍司馬贈散騎常侍

交州刺史鉅平伯畢聞慰字子安眾愛子孝昌元年謚

恭

使持節征西將軍贈車騎大將軍開府儀同三司定州刺

史新豐子崔延伯博陵人沒於陣肅宗孝明時謚武烈

懷朔鎮將宇文福河南洛陽人其先南單于之遠屬孝明

時謚貞惠

寧陵令石祖與常山九門人靈太后臨朝以李韶奏謚恭使持節散騎常侍都督揚州刺史征西將軍贈使持節車騎將軍儀同三司雍州刺史東光伯郭祚字季祐太原晉陽人爲于忠所害靈太后臨朝謚文貞

北平將軍羊祉字靈祐太山鉅平人靈太后臨朝謚景

初太常少卿元端博士劉臺龍議謚曰祉志存埋輪不避強禦及贊戎律熊武斯裁仗節撫藩邊夷識德化沾殊類彌負懷仁謹依謚法布德行剛曰景宜謚曰景侍中侯剛給事黃門侍郎元纂等駁曰臣聞惟名與器弗可妄假定謚準行必當其迹按祉志性急酷所在過威德罕聞暴聲屢發而禮官虛述謚之爲景非直失於

一人實敗朝則請還付外準行更量虛實靈太后從之於是端臺龍上言竊惟謚者行之迹狀者迹之稱然尙書銓衡是司釐品庶物若狀與迹乖應抑而不受錄其實狀然後下寺依謚法準狀科上豈有舍其行迹外有所求去狀去稱將何所準檢祉以母老辭藩乃舉手詔云卿綏撫有年聲實兼著安邊寧境實稱朝望及其歿也又加顯贈言祉誠著累朝效彰內外作牧岷區字氓之績驟聞詔冊褒羨無替倫望然君子使人器之義無求備德有數德優劣不同剛而能克亦爲德焉謹依謚法布德行剛曰景前議爲允司徒右長史張烈尙書李韶等又列奏靈太后乃從前議

京兆王長史贈平東將軍交州刺史羊靈引社弟謚威  
廣平太守贈衛大將軍吏部尚書交州刺史羊敦字  
元禮社弟子興和初謚貞

鎮北大將軍內外三都大官贈幽州刺史長進侯奚直河  
南洛陽人其先代人謚簡 撫軍大將軍河南尹贈都  
督冀瀛滄三州諸軍事驃騎大將軍司空冀州刺史追  
封壽張縣侯奚康生直之子爲元乂所害靈太后反政  
追謚武貞

殿中尚書右光祿大夫贈司空封回渤海蓆人河陰遇害  
敬宗孝莊帝初謚孝宣 平北府長史贈殿中尚書封  
興之字祖胄回之子孝昌中謚孝 齊州刺史贈太保

封隆之字祖喬回之子武定三年謚宣懿 青州刺史  
贈使持節都督冀殷瀛三州軍事驃騎大將軍尚書左  
僕射司徒冀州刺史封延之字祖業隆之弟興和二年  
謚文恭

侍御長贈定州刺史章武侯封涅代人謚隱  
通直散騎常侍冠軍將軍西南道慰勞大使贈使持節都  
督梁益巴東梁四州諸軍事車騎大將軍儀同三司梁  
州刺史河陽縣侯李苗字子宣梓潼涇人莊帝時爾朱  
世隆之亂浮河而歿謚忠烈

東梁州刺史贈益州刺史淳于誕字靈遠其先泰山博人  
後居蜀漢或安國之桓陵敬宗永安二年謚莊

洛陽令贈滄州刺史陽關男高崇字積善渤海脩人永安  
二年謚成 國子博士贈營州刺史陽關男高謙之字  
道讓崇之子爲李神軌構陷賜死靈太后時謚康

右將軍南幽州刺史贈司空冀州刺史常旭京兆杜陵人  
永安時謚文惠

使持節侍中車騎將軍假儀同三司前鋒大都督趙平郡  
開國公費穆字朗興代人元顥以阿陰酷濫事起於穆  
殺之莊帝贈侍中司徒公謚武宣

滄州大中正兼尚書左僕射西道大行臺贈開府儀同三  
司青州刺史樂陵郡公朱瑞字元龍代郡桑乾人普泰  
元年爲爾朱世隆所殺大昌初謚恭穆

大傅贈大司馬錄尚書三十州諸軍事侍中桓州刺史

山郡王斛斯椿字法壽廣牧富昌人孝武時謚文宣

豫州刺史贈司空公桑乾縣公斛斯元斯椿弟孝武西  
巡時爲部下所殺謚景

司農少卿光祿大夫董微字文發頓丘衛國人孝武永熙  
二年謚文烈

幽并營安四州行臺燕郡公贈尚書左僕射儀同三司幽  
州刺史劉靈助燕郡人善卜筮永熙二年謚恭

右光祿大夫贈尚書左僕射新昌子孫紹字世慶昌黎人  
永熙二年謚宣

左光祿大夫散騎常侍驃騎大將軍贈儀同三司定州刺

史魏子建字敬宗鉅鹿下曲陽人永熙三年謚文靜  
光州刺史魏鸞字雙和子建族父謚夷

開府儀同三司贈司空雍州刺史華陰男楊騰弘農人文  
帝之舅謚貞襄

隴右府長史壽張縣子張軌字元軌濟北臨邑人恭帝時  
謚質

秘書監車騎大將軍儀同三司美陽縣男柳蚪字仲盤河  
東鮮人恭帝元年謚孝 并州司會并州總管府長史

康成縣公柳帶字孝孫蚪弟鸞之子謚愷 宜州刺  
史贈鄜綏丹三州刺史柳慶字更興蚪弟謚景

御史中尉肆州大中正開府西道行臺僕射贈太保大尉  
公錄尚書事冀州刺史劉貴秀容陽曲人東魏孝靜帝

興和元年謚忠武

領軍將軍贈太師大司馬太尉錄尚書事万候洛太平人  
其先匈奴之別種興和初謚武

衛大將軍東徐州刺史贈驃騎大將軍司空公兖州刺史  
張燿一名燿字景世自云南陽西鄂人興和三年謚懿

驃騎大將軍儀同三司豫州刺史贈司徒堯雄字休武上  
黨長子人興和四年謚武恭一單謚恭 安州刺史贈

使持節督滄瀛二州諸軍事尚書右僕射滄州刺史樂  
城郡公堯傑字永壽雄從父兄謚實 臨洮太守贈龍

驤將軍堯遵雄從父謚思

主書郎贈建武將軍定州刺史高邑子堯方生謚敬

衛大將軍中書令贈驃騎大將軍開府儀同三司都督幽

州刺史山偉字仲才河南洛陽人其先代人孝靜時謚

文貞

滎陽中山太守贈衛大將軍都官尚書瀛州刺史蘇淑字

仲和武邑人孝靜武定初謚懿

侍中太子太保開府儀同三司贈司空蘭陵郡王蕭正表

字公儀梁武帝弟武定七年奔魏其冬卒謚昭烈

徐州刺史贈青齊二州軍事司空青州刺史王則字元軌

太原人武定時謚烈懿

北海太守贈驃騎大將軍洛州刺史辛珍之隴西狄道人

武定時謚恭

儀同三司雍州刺史右衛大將軍贈侍中司空公涇陽縣

公皇甫集謚靜

金紫光祿大夫贈中書監幽州刺史祖慎范陽人謚惠

扶風太守贈鎮西將軍遼西公常亥遼西人高宗乳母常

太后曾祖謚簡 渤海太守贈侍中征東大將軍太宰

遼西王常澄亥子謚獻 平州刺史遼西王常英澄子

謚平

河中太守贈岐州刺史柳崇字僧生河東解人謚穆 安



東將軍光祿大夫贈衛大將軍雍州刺史柳暢字叔智  
崇族子謚穆

殷州刺史贈司空彰武伯綦儁字擿顯河南洛陽人其先  
代人謚文貞

平東將軍營州刺史贈平南將軍并州刺史建安公張儼  
字仲業太原中都人謚康

衛將軍本州大中正兼廷尉卿贈太僕卿濟州刺史竇瑗  
字世珍遼西遼陽人謚明

中書侍郎新豐侯贈湘州刺史魏縣侯杜銓字士衡京兆  
杜陵人謚宣 河東太守贈都官尚書豫州刺史杜遇

字慶思銓子謚惠

河西王右丞相清水公宋繇字體業敦煌人謚恭

扶風太守贈涼州刺史索敞字巨振敦煌人謚獻 敞曾為  
助教故舊同學生等為之請謚

燕郡太守贈徐州刺史崔隆宗清河東武城人謚孝

河間王長史贈左將軍安州刺史路特慶字伯瑞陽平清  
淵人謚襄 武定五年謚獻武王天統元年改謚神武

皇帝 漢皇后各昭君武成太寧二年崩謚明

世宗文襄皇帝各澄字子惠神武長子任魏為相國封齊  
王武定七年為梁將蘭欽子京所殺八年謚文襄王天

皇帝 元皇后魏孝

續文獻通考卷之一百四十一

續文獻通考卷之一百四十一

燕人諡

燕王具史觀玄孫軍史陳史觀封號字自註則平書  
燕王太子觀封陳史觀封宗書封東海封入諡恭

燕王太子觀封陳史觀封宗書封東海封入諡恭

燕王太子觀封陳史觀封宗書封東海封入諡恭

續文獻通考卷之一百四十二

皇明進士雲間王圻纂輯

謚法考 北齊帝后至隋臣

北齊帝后諡

高祖神武皇帝姓高名歡字賀六渾渤海脩人仕魏為相  
國封齊王武定五年薨謚獻武王天統元年改謚神武  
皇帝 婁皇后名昭君武成大寧二年崩謚明

世宗文襄皇帝名澄字子惠神武長子仕魏為相國封齊  
王武定七年為梁將蘭欽子京所殺八年謚文襄王天  
保元年追尊為文襄皇帝 元皇后魏孝靜帝之妹文  
宣受禪尊為文襄皇后後文宣又淫於后武成中卒謚

敬

顯祖文宣皇帝名洋字子進神武次子天保元年受魏禪  
十年暴崩於晉陽廢帝乾明元年謚文宣天統初詔改  
謚景烈廟號威宗武平初復本謚號顯祖 后李氏爲  
武成所亂後爲尼

孝昭皇帝名演字延安神武第六子乾明元年少主被廢  
遂卽帝位皇建二年崩於晉陽宮大寧元年謚孝昭  
初孝昭崩魏收議謚爲恭烈裴澤抗論曰魏收死後亦  
不肯爲恭烈之謚何容以擬大行且比皇太后不豫先  
帝煢寢失常聖躬貶損今者易名必須加孝遂改爲孝  
昭

世祖武成皇帝名湛神武第九子皇建二年卽位河清四  
年傳位太子天統四年崩謚武成

北齊宗室謚

清河王嶽字洪略神武從父弟魏侍御中散翻之子天保  
六年謚昭武

趙郡王琛字元寶神武弟以亂神武後庭杖而卒天平時  
謚貞一謚貞平 陳留王惠寶琛母弟天統三年謚文  
恭

長樂太守贈大將軍司空靈山字景高神武族弟謚文宣  
陽州公永樂神武從祖兄子謚武昭

永安王浚字定樂神武第三子以直諫爲文襄所誅乾明

元年謚簡平

平陽王淹字子邃神武第四子河清三年謚靖冀

彭城王浹字子深神武第五子河清二年為盜所害謚景思

上黨王渙字敬壽神武第七子與永安王同被殺乾明元年謚剛肅

襄城王清一名清神武第八子乾明二年謚景

高陽王湜神武第十一子乾明初謚康穆

博陵王濟神武第十二子天統五年以言語不倫後王陰使人殺之謚文簡

漢陽王洽字敬延神武第十五子乾明元年謚敬懷

河南王孝愉字正德文襄長子為武成所毒謚康獻

長恭一名孝瓘文襄第四子謚武

瑯琊字仁威武成第三子後主忌而殺之謚恭哀

臣謚

尚書侍中贈太保冀州刺史藍田縣公高德正

勃海虜將軍顥之子宣武初以讒見殺神武

執政時謚康

御史中尉贈大司馬太尉錄尚書事定州刺史竇泰字世寧太安捍殊人神武西征以中尉從為周文所襲自殺

謚武貞

定州刺史贈假黃鉞太師太尉太原王婁昭代郡平城人  
神武執政時謚武

楊州刺史贈尚書令司空公蔡雋字景彥廣寧石門人神  
武執政時謚威武

幽州刺史贈司空尉長命太安狄那人神武時謚武壯

常山公府參軍贈涇岐幽三州軍事集中縣侯尉興字  
興敬長命子從神武攻周文帝於邛山中流矢卒謚閔  
莊

山東大行臺大都督贈太尉段榮字子茂武威姑臧人神  
武秉政時謚昭景 左丞相贈假黃鉞相國太尉錄尚  
書事朔州刺史廣平郡公段韶字孝先榮子武平二年

謚忠武

征虜將軍散騎常侍李系趙郡栢人人武定八年卒齊初  
贈平東將軍北徐州刺史謚文 司徒右長史贈青州  
刺史李繪字景文系族謚景 太子家令贈北徐州刺  
史李緯字景乾繪弟謚文

尚書右僕射開府儀同三司贈司徒公鉅鹿侯魏蘭根字  
蘭根鉅鹿下曲陽人神武執政時謚文宣 左光祿大  
夫齊州刺史贈司空尚書左僕射魏收字伯起小字佛  
助蘭根族姪武平三年謚文貞

太傅贈太師開府錄尚書事孫騰字龍雀咸陽石安人神  
武執政時謚文

晉州刺史驃騎大將軍贈司空房謨字敬放河南洛陽人  
文襄時謚文惠

魏濟陰內史齊贈度支尚書陳終德廣宗人以子元康貴  
追謚貞 散騎常侍贈司空陳元康字長猷終德子以  
文襄之難被害謚文穆

尚書右僕射贈開府儀同三司尚書左僕射青州刺史薛  
琰字曇珍代人魏徐州刺史彪子之子顯祖文宣天保  
初謚威恭

兗州刺史開府儀同三司叱列平代郡西部人天保初謚  
莊惠

故魏征南將軍給事黃門侍郎齊贈使持節侍中都督殷

滄二州諸軍事車騎大將軍儀同三司仍殷州刺史李  
騫字希義趙郡平棘人天保初謚文惠

太宰童武郡王庫狄干無善人天保中謚景烈  
太常卿都督贈侍中開府儀同三司冀州刺史乘氏縣子  
高季式字子通渤海脩人魏樂城侯翼之子天保四年  
謚恭穆

大司馬贈假黃鉞相國太宰太師朔州刺史安德郡王韓  
軌字伯年太安狄那人文宣時謚肅武

太尉贈太師太尉懷州刺史須昌縣公司馬子如字遵業  
河內温人文宣時謚文明 祠部尚書贈開府儀同三  
司中書監温縣伯司馬子瑞子如兄纂之子謚文節

尚書右僕射儀同三司贈開府儀同三司尚書左僕射定  
州刺史崔暹字季倫博陵安平人天保十年謚貞節

七兵尚書贈都督滄州刺史昌陽縣伯可朱渾元字通元  
遼東人謚恭武

南汾州刺史贈大司馬司徒公尚書令劉豐字豐生晉樂  
人謚忠武一單謚忠

滄州刺史贈尚書令司徒公太傅廣川縣公破六韓常字  
保年單于之裔謚忠武

儀同三司右僕射封子繪字仲藻魏太保封隆之子世祖  
武成河清三年謚簡

太子少保左光祿大夫儀同三司兗州刺史贈開府儀同  
三司中書監北豫州刺史鄭述祖字恭文滎陽開封

後主天統元年謚平簡  
秘書監贈右僕射張曜字靈光上谷昌平人天統初謚貞  
簡

太師左丞相贈假黃鉞相國太尉公咸陽郡王斛律金朔  
州敕勒部人天統二年謚武

右丞相錄尚書事贈假黃鉞相國太尉錄尚書十二州諸  
軍事朔州刺史安定郡王賀拔仁字天惠無善人後主

武平元年謚武

膠州刺史贈使持節揚郢二州軍事開府儀同三司尚書  
右僕射揚州刺史杜弼字輔玄中山曲陽人武平元年

謚文肅

銀青光祿大夫贈大理卿濟州刺史武成公崔贍字彥通  
清河東武城人武平初謚文

侍書御史兼太府卿贈儀同三司宋游道廣平人武平中  
以子士素久典機密謚貞惠

給事黃門侍郎儀州刺史贈司空公尙書左僕射冀州刺  
史和安信都臨漳人以子士開貴幸謚文貞 侍中左  
僕射贈假黃鉞十州諸軍事右丞相太宰司徒公錄尙  
書事和士開字彥通以佞見幸武平時爲琅琊王儼等  
所誅謚文定

趙州刺史贈司空公尙書左僕射瀛州刺史胡長粲安定

臨涇人魏安陽宣侯虔之子後主時謚文貞

贈特進開府儀同三司中書監元晞魏昭成帝五世孫以  
子文遜貴且有孝行追謚孝

北恒雍二州刺史贈司空當亭縣侯賀若統河南洛陽人  
其先漢北人謚哀

殿中尙書監瀛州事儀同三司贈中書監北豫州刺史陽  
裴字叔鸞右北平無終人謚簡一謚敬簡

侍中太子太師贈司徒公錄尙書事徐之才丹陽人善醫  
術謚文明

揚州刺史贈司空冀州刺史盧勇字季禮范陽涿人謚武  
貞



南鉅鹿太守贈南兖州刺史崔伯謙字士遜博陵安平人  
謚懿

都官尚書贈司空平鑒字明遠燕郡薊人謚文

廷尉少卿贈光州刺史宋世軌西河介休人謚平

中書令開府待詔文林館贈齊州刺史尚書左僕射崔劼

字彥玄故魏司徒光之子謚文貞

給事黃門侍郎侍中散騎常侍兼御史中丞贈吏部尚書

并州刺史王松年太原晉陽人魏寧南將軍慧龍之元

孫謚平

吏部郎中陸印字雲駒代人魏安北將軍相州刺史子彰

之子謚文

鄭州刺史贈驃騎大將軍和州刺史郎基字世業中山人

謚惠

東南道行臺開府燕國公贈太尉慕容紹宗慕容晃第四

子謚景惠

後周帝后謚

德皇帝姓宇文名肱代郡武川人其先世爲鮮卑君長肱

以武成初追謚德皇帝

太祖文皇帝名泰肱之少子魏恭帝元年位太師大冢宰

其年薨謚文公孝閔受禪追尊爲文王武成元年追尊

爲文皇帝 叱奴皇后代人武帝建德三年崩謚宣

孝閔皇帝名覺文帝第三子魏恭帝之二年冬受禪明年

續文獻通考

卷之四百四十三

八

三百七十一

爲宇文護所弑謚孝閔

世宗明皇帝名毓文帝長子孝閔元年九月卽位武成二年崩謚明 獨孤皇后太保衛公信之長女謚敬

高祖武皇帝名邕文帝第四子武成二年卽位宣政元年崩謚武 阿史那皇后突厥木杆可汗俟斤之女隋開

皇二年殂謚成

宣皇帝名贊字乾伯武帝長子宣政元年六月卽位尋傳位於靜帝二年崩謚宣 楊皇后名麗華隋文帝之長女隋興欲奪其志誓不許

靜皇帝名衍宣帝長子大定元年二月遜於隋隋開皇元年遇害謚靜

後周宗室謚

邵公顥太祖長兄保定初追謚惠 顥子什肥保定初謚

景 顥子都督晉公護天和六年以專權見殺建德三年追謚蕩 顥子大將軍大都督幽國公導魏恭帝元

年謚孝 導子陝州總管太保幽國公廣字乾歸武帝

時謚文 廣弟西陽郡公翼字乾宜謚昭

杞公連太祖次兄保定初追謚簡 連子杞國公光寶保

定初追謚烈

莒公洛生太祖第三兄保定初追謚莊 洛生子莒公菩

提保定初追謚穆

虞公興太祖從弟天和二年謚靖

廣川公測字澄鏡太祖族子大統十年太祖執政謚靖  
安化公深測弟保定時謚成康

宋公震太祖子保定元年追謚獻

衛王直太祖子武定時以反誅謚刺

齊王憲太祖第五子大象初以忌見縊追謚煬

趙王招太祖子以謀誅隋文見殺謚僭

譙王儉太祖子為隋文所害謚孝

陳王純太祖子大象二年為隋文所害謚惑

越王盛太祖子大象二年為隋文所害謚野

代王達太祖子大象二年為隋文所害謚曩

冀王通太祖子大定中為隋文所害謚康

滕王道太祖子大象二年為隋文所害謚聞

紀王康字乾安孝閔子建德五年以有異謀賜死謚厲

畢王賢字乾陽大象二年謀除隋文見害謚刺

後周諸臣謚

前軍大都督贈定冀等十州諸軍事定州刺史太宰錄尚

書事瑯琊公賀拔勝字破胡神武尖山人大統十年文

帝執政謚貞獻 都督二雍二岐四梁三益巴三夏蔚

寧涇二十州諸軍事贈侍中太傅錄尚書事都督關中

三十州諸軍事大將軍雍州刺史霍國公賀拔嶽勝弟

永熙二年為齊神武所害謚武壯

都督秦渭原涇四州諸軍事秦州刺史念賢字蓋盧屯留

人謚昭定

東雍州刺史贈太尉尚書令雍州刺史廣平郡公梁禦字善通其先安定人後家武川大統四年文帝執政謚武

昭

贈驃騎大將軍太尉尚書令松陽郡公寇洛上谷昌平人

大統五年文帝執政謚武

雍州刺史扶風郡公贈太尉都督相冀等十州刺史王罷

京兆霸城人大統七年謚忠

大傅開府儀同三司蔡郡公王盟其先樂浪人後家武川

明德皇后之兄大統十一年謚孝定 都督贈使持節

驃騎大將軍開府儀同三司固安公韋祐字法保京兆山

勸盟子文帝執政時謚忠武

開府侍中涇州刺史河間郡公王德字天恩代郡武川人

大統十四年謚獻

驃騎大將軍開府儀同三司固安公韋祐字法保京兆山

北人大統未歿于陣謚莊

宜州刺史贈柱國大將軍原州都督懷寧郡公蔡祐字承

先高平人文帝時謚莊

東雍州刺史贈長廣郡公太尉劉亮中山人文帝執政時

謚襄

司空贈秦州刺史長樂郡公若干惠字惠保代郡武川人

文帝執政時謚武烈

東西北三夏州諸軍事夏州刺史贈華州刺史樂陵郡公  
怡峰字景阜遼西人文帝執政時謚襄威

太子少傅車騎大將軍儀同三司散騎常侍贈冀州刺史

孟信字修仁廣州索盧人文帝時謚戴

使持節太保柱國大將軍大都督大宗伯趙郡公李弼字  
景和遼東襄平人明帝初謚武

戶部中大夫驃騎大將軍開府儀同三司贈太子少師蒲  
州刺史清河縣公裴俠字嵩和河東解人明帝武成元  
年謚貞

都督金興等六州諸軍事金州刺史贈大將軍華洛等三  
州刺史上洛郡公泉仲遵上洛豐陽人武成初謚莊

贈柱國大將軍太傅長樂郡公尉遲侯堯代人武成初追

謚定 大司空贈太保吳國公尉遲綱侯堯子天和四

年謚武 秦州總管贈太僕丞七州諸軍事盧國公尉

遲遲綱子大象元年謚忠

大將軍宜州刺史范陽郡公盧辨字景宣范陽涿人明帝

時謚獻 虞州刺史行陝州總管府長史燕郡公盧光

字景仁辨弟武帝時謚簡

柱國夏州總管贈涼瓜等十州諸軍事涼州刺史追封鄜

國公長孫儉其先代人魏北平王嵩五世孫明帝時謚

文

侍中驃騎大將軍開府儀同三司贈岐宜二州刺史平齊

齊文獻通考

卷之二百八十五

縣公韋瑱字世珍京兆杜陵人明帝特謚惠

驃騎大將軍開府儀同三司平陽縣公達奚寔河南洛陽人高祖武帝保定初謚恭

總管梁興等十九州諸軍事梁州刺史贈虞陝華上路五州刺史楊寬字蒙仁弘農華陰人保定初謚元

大將軍贈成文等八州刺史冠軍縣公楊紹字子安弘農華陰人保定二年謚信

驃騎開府儀同三司贈定瀛冀三州諸軍事冀州刺史西安縣子趙高字仕儒上谷昌平人保定三年謚元

魏樓百大牧騎常侍征西大將軍涼州刺史史遵貴追謚貞 荊州刺史荆襄浙郢

等五十二州江陵鎮防諸軍事史寧字永和保定三年

謚烈

使持節柱國大將軍大都督少傅彭城公侯莫陳崇字尚樂代郡武川人保定三年為晉公護所殺初謚踪護誅

改謚莊閔

使持節大將軍大都督岐州諸軍事岐州刺史武威郡公王雄太原人保定四年謚忠

使持節驃騎大將軍開府儀同三司大都督昌歸憲三州諸軍事昌州刺史贈大將軍五州刺史靜安郡公席固

字子堅其先安定人保定四年謚肅

使持節大將軍大都督荊州諸軍事荊州刺史博陵公賀

蘭祥字盛樂其先與魏俱起後家武川保定四年謚景  
岐州刺史贈太保同鄜等十州諸軍事同州刺史楚國公  
豆盧寧字永安昌黎徒河人保定五年謚昭 隴右總  
管府長史贈少保幽冀等五州諸軍事幽州刺史沃野  
縣公豆盧永恩寧弟保定時謚敬  
使持節大將軍大都督七州諸軍事雍州刺史高陽侯達  
奚武字成興代人保定五年謚桓  
大將軍贈都督揚州刺史清寧郡公梁椿字千年代人保  
定時謚烈  
安應等十二州諸軍事安州刺史樂昌縣公郭賢字道因  
趙興陽州人高祖天和元年謚節

眉復二州刺史持節驃騎大將軍開府儀同三司贈絳州  
建州刺史冠軍公裴果字戎昭河東聞喜人天和二年  
謚質

太保贈太傅許國公宇文貴字永貴其先昌黎大棘人天  
和二年謚穆

都督中州刺史贈大將軍五州諸軍事新義郡公韓雄字  
木蘭河南東垣人天和三年謚威

使持節柱國大將軍大都督大司空常山公于謹字思敬  
其先代人天和三年謚文

贈使持節柱國大將軍大都督十州諸軍事原州刺史西  
河郡公李賢字賢和隴西成紀人天和四年謚桓 開

府儀同三司贈上大將軍襄陽公李端字永貴賢子高  
祖時鄴城戰歿謚果 使持節大將軍大都督陽平公  
李遠字萬歲賢弟建德元年謚忠隋開皇初改謚懷  
江州刺史贈使持節上開府儀同大將軍曹徐譙三州  
刺史燉煌郡公李基字幼和遠子宣武宣政元年謚孝  
右二軍總管贈使持節柱國大將軍同華等五州刺史廣  
城郡公段永字永賓其先遼西石城人天和四年謚基  
大將軍西寧州刺史贈四州刺史瑯琊公司馬裔字遵胤  
河內溫人天和五年謚定 兗州刺史贈豫州刺史司  
馬侃字道遷裔子天和時謚惠

使持節成州諸軍事成州刺史贈大將軍揚州刺史劉志

弘農華陰人天和五年謚文

少師安豐郡公庫狄峙其先遼東人天和五年謚定

小宗伯博平縣侯申徽字世儀魏郡人天和時謚章

華州刺史贈少傅都督司豫洛相冀五州諸軍事司州刺

史鄭偉字子直滎陽開封人天和六年謚肅

柱國江陵副總管贈五州諸軍事冀州刺史犍爲郡公高

琳字季珉其先高句麗人天和六年謚襄

少保贈涇岐燕三州刺史三水縣侯韓褒字弘業其先潁

川潁陽人後家昌黎天和七年謚貞

左僕射兼侍中監著作領太子詹事贈大將軍大都督岐

宜寧豳四州諸軍事岐州刺史趙善字僧慶天水南安



人大統九年從戰芒山為敵所獲卒於東魏高祖建德  
初以子詢表請謚敬

中州刺史贈大將軍武都郡公賀若敦河南洛陽人為晉  
公護所殺建德初追謚烈

大將軍贈四州諸軍事鄜州刺史彭城縣公令狐整字延  
保敦煌人建德二年謚襄

大將軍贈金州總管安康郡公李遷哲字孝彥安康人建  
德三年謚莊武

使持節能和忠三州崇德等十三防諸軍事大將軍贈鄜  
延等五州刺史安平縣公崔說博陵安平人建德四年

謚莊 崔說本名士約 賜姓宇文名說

隨州刺史贈交渭二州刺史長樂縣子皇甫璠字景瑜安  
定三水人建德時謚恭

荊州刺史總管十七州諸軍事贈河渭鄜三州刺史千金  
郡公權景宜字暉遠天水顯親人高祖武帝時謚恭

陝州總管府長史襄城縣伯梁昕字元明安定烏氏人武  
帝時謚貞 計部下大夫開府儀同三司贈涇寧幽三

州刺史朝那縣伯梁榮昕弟謚靜

汾州刺史贈使持節大將軍譙廣復三州刺史臨貞公楊  
敷字文衍弘農華陰人在州為齊將段孝先所擒以憂  
卒武帝時以子素陳請謚忠壯

少司空贈鄭梁北豫三州刺史鄭道邕字孝穆一名孝穆

字道和榮陽開封人武帝時謚貞隋改謚文

少傅蔡陽郡公蕭撫字智遐蘭陵人梁武弟之子武帝時謚襄

基州刺史贈大將軍文城郡公薛端字仁直河東汾陰人謚質 武威少府贈三司刺史博平縣公薛善字仲良端族曾孫武帝以善告齊執事謚謬

小宗伯贈柱國大將軍長孫紹遠字士師代人武帝時謚獻 玉壁總管贈柱國義門郡公長孫澄字士亮紹遠弟謚簡

大司空涇州總管贈太尉上庸郡公陸騰字顯聖代人宣政元年謚定

贈柱國太保都督徐充等十州諸軍事徐州刺史隋國公

楊烈弘農華陰人卽隋高祖之曾祖靜帝時謚康 贈

柱國太傅都督陝蒲等十三州諸軍事同州刺史隋國

公楊禎卽隋高祖之祖靜帝時謚獻

徐充等十一州五鎮諸軍事徐州總管行軍元帥贈太傅

十二州諸軍事雍州牧韋孝寬字叔裕京兆杜陵人魏

右將軍旭之子靜帝時謚襄 驃騎大將軍開府儀同

三司納言京兆尹贈柱國五州刺史追封河南郡公韋

總字善會孝寬子武帝時東征戰歿謚貞

上柱國涇州總管贈七州諸軍事河州刺史追封鄂國公

王傑金城人靜帝大象元年謚威

江陵總管魯陽郡公陽雄字元略上洛邑陽人大象元年  
謚懷

驃騎大將軍開府儀同三司隋贈禮部尚書武陽公高賓  
渤海蓀人隋開皇時以子穎佐命功謚簡

御伯中大夫贈虞絳二州刺史昌國縣伯趙珙天水西人  
謚貞

太僕衛尉卿汾北華瀛三州刺史驃騎大將軍開府儀同  
三司永富縣公竇善扶風平陵人謚忠

司宗中大夫兼內史贈少宗伯唐瑾字附璘姑臧人謚方  
驃騎大將軍開府儀同三司浙州刺史贈虞州刺史郃陽  
伯薛寘河東汾陰人謚理

渠州刺史贈忠浙涿三州刺史浮陽郡公趙剛字信慶河  
南洛陽人謚成

驃騎大將軍開府儀同三司贈大將軍平州刺史肥城公  
侯植字仁幹其先上谷人謚節

軍司馬平陽縣伯李彥字彥士梁郡下邑人謚敬  
隋帝后太子謚

太祖武元皇帝弘農華陰人姓楊名忠仕周爲涇州總管  
封陳留郡開國公薨謚桓公開皇元年追謚爲武元皇  
帝 呂皇后字苦桃開皇元年追謚元明

高祖文皇帝名堅武元子仕周位相國封隋王大定元年  
受周禪仁壽四年爲子廣所弑謚文 獨孤皇后名伽

羅河南洛陽人周大司馬衛公信之女仁壽二年崩謚  
獻

煬皇帝名廣文皇第二子仁壽四年弑父自立大業十三  
年被弑江都謚煬 蕭皇后後梁明帝歸之女煬帝敗  
沒於竇建德後義成公主在突厥遣使相迎又入虜廷  
貞觀四年歸二十一年崩葬煬帝陵謚愍

恭帝名侑元德太子之子大業十三年卽位改元義寧二  
年遜於唐封爲鄯國公武德二年崩謚恭

煬帝太子昭大業二年謚元德子侗立追尊爲孝成皇帝  
隋宗室謚

義成公處綱文帝族父卒於秦州總管謚恭

蔡王整文帝次弟受禪後追謚景

滕王瓚字恒生文帝弟開皇十一年以鳩薨謚穆

道王嵩文帝弟受禪後追謚宣 嵩嗣子靜本滕穆王子

謚悼

衛王奭字師仁文帝弟文帝時謚昭

秦王俊文帝子謚孝

隋諸臣謚

上柱國大左輔贈燕國公于寔字賓實河南洛陽人其先

代人後周常山公謹之子文帝開皇元年謚安 太尉

贈六州諸軍事蒲州刺史于翼字文若寔弟開皇二年

謚穆 熊州刺史黎陽郡公于璽字伯符翼子謚靜

上柱國漳州總管贈豫州刺史于義字慈恭冀弟謚剛

上柱國大將軍贈司徒李和朔方人開皇二年謚肅

周上柱國太安郡公隋贈司空七州諸軍事荊州刺史閻慶字仁度河陰人開皇二年謚成

上柱國隴西郡公李詢字孝詢隴西成紀人開皇初謚襄

太師申國公李穆字顯慶詢從父開皇六年謚明

幽州總管廣宗縣公李崇字永隆詢弟開皇初與突厥

戰歿于陣謚壯

大將軍曹州刺史柳裘字茂和河東解人開皇初謚安

廣州總管贈上柱國襄陽郡公韋洸字世穆京兆杜陵人

開皇初與番禺夷戰陣歿謚敬 荊州總管贈大將軍

上庸郡公韋世康洸弟開皇時謚文

營州總管

郡公韋藝字世文洸弟文帝時謚懷

汴州刺史并陘侯韋師字公穎京兆杜陵人文帝時謚定

冀州刺史贈大將軍青州刺史建安郡公柳機字匡時河

東解人文帝時謚簡

贈上柱國太尉八州諸軍事青州刺史齊郡公呂雙周文

帝外祖其族微不知何許人開皇初追謚敬

贈使持節太尉上柱國六州諸軍事定州刺史越國公獨

孤庫雲中人開皇初追謚恭 使持節柱國贈太師上

柱國十州諸軍事冀州刺史趙國公獨孤信庫之子開

皇初追謚景

柱國左武衛大將軍蜀國公獨孤羅字羅仁雲中人獨孤后異母兄大業初謚恭

濟軍汲郡公崔猷字宣猷博陵安平人開皇四年謚明

太傅贈八州諸軍事冀州刺史樂陵縣公竇熾字光成扶

風平陵人開皇四年謚恭 定州總管贈襄陽等六州

刺史竇毅字天武熾兄子開皇二年謚肅

故魏大學博士鎮遠將軍隋贈定州刺史安平公李敬族

博陵安平人開皇五年以子德林貴追謚孝 懷州刺

史贈大將軍廉州刺史安平郡公李德林字公輔開皇

時謚文

右武衛大將軍贈冀州刺史陳國公竇榮定扶風平陵人

開皇六年謚誌

衛州刺史元亨一名孝才字德良故魏宗室開皇八年謚

宣

上柱國夏州總管楚國公豆盧勣字定東昌黎徒河人開

皇十年謚襄 漢王府王簿儀同三司贈大將軍正義

縣公豆盧毓字道生勣次子為漢王諒所害大業初謚

愍 洪州總管南陳郡公豆盧通字平東勣弟文帝時

謚安

上柱國岐州刺史沛國公鄭譯字正義滎陽開封人開皇

十一年謚達

洛州刺史辛彥之隴西狄道人開皇十一年謚宣

相州刺史贈亳州刺史樊叔略陳留人開皇十四年暴卒  
謚襄

左光祿大夫東郡留守贈開府儀同三司濟公樊子蓋字  
華宗廬江人開皇中謚景

上柱國益州總管蔣國公梁睿字持德安定烏氏人周東  
雍州刺史禦之子開皇十六年謚襄

晉王府長史贈大將軍安成郡公袁憲字德章陳郡陽夏  
人陳僕射樞之弟開皇十八年謚簡

信州總管義陽郡公皇甫績字功明安定朝那人開皇時  
謚安

柱國延州總管贈上柱國平昌郡公王慶字興慶太原祁  
人開皇時謚壯

行軍總管長廣郡公杜整字皇育京兆杜陵人開皇時謚  
襄

鎮南大將軍廣州都督贈上開府儀同三司歸仁縣公王  
猛本名勇字世雄瑯琊臨沂人文帝仁壽元年謚成

潭州總管文安縣子張齋字文懿清河東武城人仁壽中  
謚莊

周司城中大夫典國史虞鄉公隋贈滄州刺史張羨河間  
鄭人文帝時謚定

國子祭酒何妥字栖鳳西城人後家蜀之郫縣文帝時謚  
肅

吏部尚書襄陽公長孫平字處均其先代人文帝時謚康  
行軍總管贈上柱國冀州刺史王述字長述京兆霸城人  
文帝時謚莊

毛恒二州刺史滑國公韋壽字世齡京兆杜陵人周徐州  
總管孝寬之子文帝時謚定

左武衛大將軍贈司空觀國公田仁恭字長貴高平人文  
帝時謚敬

太子太傅岐國公斛斯微字士亮廣牧富昌人魏太傅文  
宣公之子謚閭

初隋文爲大司馬有外姻喪微就吊久而不出微怒遂  
去隋文以此懷恨至是詔所司謚曰閭

相州刺史贈冀定瀛青四州刺史梁彥光字修之安定烏

氏人文帝時謚襄

魏州刺史元暉字叔平故魏宗室文帝時謚元

涇州刺史洵陽郡王元矩字孝矩故魏宗室謚簡

行軍總管贈梁州總管元景山字寶岳故魏宗室文帝時

謚襄

原州總管比陽公龐晃字顯榆林人文帝時謚敬

柱國寧州刺史趙郡公李安字玄德隴西狄道人文帝時

謚懷

蒲州刺史高都公楊尚希弘農人文帝時謚平

雲州總管贈懷魏等四州刺史鉅鹿郡公賀婁子幹字萬



壽代人文帝時謚懷

上柱國壽襄二州總管濟北郡公周搖字世安河南洛陽  
人文帝時謚恭

戶部尚書右光祿大夫正平郡公楊文恩字溫仁弘農華  
陰人煬帝大業初謚定 荊州總管上明郡公楊紀字  
溫範文恩弟謚恭

檢校左翊衛大將軍贈司徒襄國等十郡太守觀王楊雄  
弘農華陰人大業初謚德 雄卒有司請謚曰懿煬帝  
曰王道高雅俗德冠生靈乃謚曰德 右武衛將軍左  
光祿大夫贈吏部尚書始安侯楊達字士達雄弟煬帝  
時謚恭

淄州刺史公孫景茂字元蔚河間阜城人大業初謚康

石州刺史趙仲卿河南洛陽人周浮陽剛公子大業初謚

肅

并州總管司馬贈柱國弘義公皇甫誕字玄慮安定三水  
人大業初漢王諒謀反抗節遇害謚明

右武衛大將軍贈柱國右翊衛大將軍義寧郡公周羅暉  
字公布九江潯陽人大業初謚壯

司徒楚公楊素字處道弘農華陰人大業二年謚景武  
東都居守攝左候衛將軍饒陽縣子長孫熾字仲光其先  
代人大業六年謚靜

上大將軍右光祿大夫奇章公牛弘字里仁安定鶉觚人

大業六年謚憲

光祿大夫贈左衛大將軍真定侯郭衍字彥文太原介休人  
大業七年謚襄

左候衛大將軍贈光祿大夫尚書右僕射北平公段文振  
北海期原人  
大業七年謚襄

右光祿大夫兼左翊衛將軍贈尚書右僕射光祿大夫儀  
隴縣侯元壽字長壽河南洛陽人  
大業七年謚景

金紫光祿大夫安平郡公宇文愷字安樂其先昌黎大棘  
人徙居夏州  
大業中謚康

右領軍大將軍贈大將軍安陽縣公崔彭字子彭博陵安  
平人  
大業時謚肅

南海太守昇平郡公侯莫陳穎字遵道代郡武川人周大

司徒崇之子  
大業時謚定

長平太守汝陽郡公獨孤楷字修則不知何許人本姓李  
氏  
大業時謚恭

右屯衛大將軍贈光祿大夫武安侯張定和字處謚京兆  
萬年人  
大業時謚壯武

右光祿大夫贈武衛大將軍譙郡公周法尚字道邁汝南  
安城人  
大業末謚僖

右候衛大將軍贈兵部尚書蒲城郡公郭榮字長榮太原  
人  
大業末謚恭

秘書監贈大將軍漢南縣公柳晉言河東人  
大業時

從幸揚州卒謚康

左屯衛大將軍贈光祿大夫宿國公麥鉄杖始興人大業時遼東之役戰而死謚武烈

虎賁郎將贈左光祿大夫右屯衛將軍武疆侯錢士雄與麥武烈同死謚剛

右衛大將軍開府儀同三司贈司徒尚書令十郡太守許國公宇文述字伯通代郡武川人大業時謚恭

朝請大夫尚書兵部郎贈柱國戶部尚書黎陽郡公馮慈明字無佚信都人大業十三年爲賊黨翟讓所害越王侗謚莊武

右屯衛將軍獨孤盛本姓李仕周賜今姓不知何許人字

文化及之亂爲亂兵所害越王承制贈光祿大夫祀  
公謚武節

通議大夫給事郎贈光祿大夫高陽縣公許善心字務本高陽北新城人謚文節

善心在陳朝對策高第陳亡號泣盡哀後仕隋爲宇文化及所殺越王承制贈官加謚

上柱國荊州總管三十六州諸軍事成安郡公達奚長孺字富仁代人謚威

左光祿大夫贈驃騎大將軍光祿勳齊州刺史清泉侯李彬謚獻

千乘縣尹蕭琅謚信公

